

程軒集序

吾蘇高太史先生以詩鳴於

國初故稱名能詩者必以先生為之首先生之詩有堯鳴集蘇雜

詠行世已百年矣又有江詒鳳臺程軒三集迄今未壽諸梓吾友

儀部員外郎張君企翱自幻得御長笈所藏於公暇每誦而愛之

謂非他為詩者可及爰為較錄合古今體製類成十卷總名之曰

程軒集量即俸資圖欲與前二集並傳披未為之序晚詩刪於暇

筆為終古不易之常經良由人之有心則有思有思則有言以成

夫詩約若易能者無何下逮漢魏晉宋更數世歷千有餘年而特

起以名家者率不過三數人抵唐作者雖眾以及宋元所謂名家

而特起者指臂不多屈抑何其艱耶先生天賦之厚力學之博造

語工而用事審才兼眾長而每出人意外故其為詩清新俊雅沉

者痛快如春陽載熙群芳競秀年穀荐稔萬室具足可謂時起於
世而名為大家者雖時皆擬其居大任以展大制作嘗被
徵脩元史甫畢而退所施莫殫其所負不幸年未始仕以沒國是推
之時起一世不為不專著之簡編不為不多散視千古不為不久
名為大家不為不盛彼處富貴身安榮以竭身心之樂者未嘗一
日而無其人亦多斯盡無傳或播其醜於後先生克立於不朽雖
罹不幸亦奚憾乎殆未可與淺近者道也余初入詞林院長南陽
李公永新劉公謂余言尔蘇之詩在

當朝惟高太史為然猶言文必舉金華宋學士也比循一統志已疏
其為郡之第一人矣夫宜但一郡之詩天下之詩也數千百載之
詩也余服膺二公確論後莫有能易此或疑先生之詩其粹已在
前二集然時其醜耳殆不思李杜二大家無一之不載莫不有亮

味存焉辭之多歲之家消歇之餘尚足以副中家之假貸蓋所從
來者遠也企翻編行之意不為無謂觀者自有得焉

成化十四年歲戊戌卯月朔

賜進士

翰林

國史檢討徵仕郎婁東張泰序



附錄 太子少師姚廣孝讀高孝迪詩集

對君長自誦君詩只為君曾許我知今日相看雖客裏一編讀盡又

陽時

吟場處、擅名題愛我頻將卷帙開好並韓詩與杜集讀時元不為

愁來

右客次

吹臺長別最傷情詩句流傳到遠林此夜雪窓開帙看宛同北郭對

床吟

右雪夜

槎軒集卷之一

梁府

有所思行

有所思。今安在。煙霞迢。隔南海。昔年遺我翡翠裘。篋中久閉沉光
彩。宛如神仙在瀛洲。乘濤欲至風引舟。同心之人乃離阻。嗟我處此
將何求。

吁嗟篇

惻。北深隱靡。踰崇丘。慄。歲欲徂。役。車未休。不辭車未休。但
傷歲莫留。窮陰蔽九野。執旅同時憂。豺虎當路啼。猿猴出林遊。我飢
雪作糗。我寒又無裘。徒思陽春日。誰返羲和輜。天時自有常。淚下還
復收。

擊筑吟贈張替軍

國家圖書館 NATIONAL CENTRAL LIBRARY, TAIWAN, R.O.C.

吳郡高啟 李迪 著

擊筑上君堂。君心不可忘。哀聲流易水。憤氣激咸陽。不問諸侯座。寧
果。刺客場。今朝特前奏。為我一停觴。

妾薄命

悠悠長門月。流影入宮深。但照嬋娟影。不照貞素心。君恩無日迴。妾
貌有時老。但願它人歡事君。千年萬年色長好。

出門行

貧賤去鄉里。四方何所之。欲遊淮陰市。恐為少年欺。少年勿相欺。人
實未可知。織筲陰高岡。弱翮翔天池。丈夫懷遠志。奮發寧無時。

愛妾換馬曲

出帷掩紅袂。離廐結青絲。我取躡雲足。君憐羞月姿。惟當樹功業。詎
必戀恩私。回首各已遠。春山將暮時。

美人磨鏡詞

匣中舊鏡龍蟠背。昏盡如同月。逢晦尋得街頭負。局翁粉鉛和汞拭。
青銅。頭更瑩澈無纖翳。試整朝來暗梳髻。光明還在。只如新。悔向塵
埃久相棄。明日照儂。自畫眉不須問。即宜不宜。

悲歌行

結髮好遠遊。出門覽山川。誰云帝關遠。有跡不在天。我車大且遲。日
暮牛頭穿。忽逢悲歌士。論心涕潸然。今日不得志。明日非少年。

苦哉遠征行

悠悠荷戈子。謫發事遠征。遠征無窮期。千里萬里程。膽斗知御選。覽
物悟歲更。霜露黷肌膚。弊豷蟻虱生。况茲三邊虜。驕黠未易平。聞笳
已心摧。赴刃仍骨驚。軍興有嚴誅。賊命顧自輕。區區在行間。敢望竹
帛名。奈何久不還。主將功未成。誰憐城南室。思婦感鶉聲。

鑿渠謠

鑿渠深一十尋鑿渠廣八十丈鑿渠未苦莫嗟吁黃河曾開千丈餘
君不見賈尚書

荆門壯士歌

水洶水洶差以荆門葉黃秋時工有騰攫之猿猿下有饒嚼之蛟
螭悲哉此路難孰敢徑渡之三撫髀壯士起劍風騷勞髮上指仰天
長歌不見星哀鴻夕叫雲冥冥

月支王頭飲器歌

積中萬騎驕嘶雪頭掛金鞍敵初滅歸來凍作大白杯胡酒寒凝色
如血故國無燈歸夢迷朽骨飲恨空如泥琵琶聲中鬼語襍酥燈照
夜風淒淒鳧爲倒瀉黃河入泥污淋漓疑淚濕部落誰酌國士恩尊
前一夜無聲泣烏孫降王猶疾首起奉單于千萬壽

朝鮮見歌

朝鮮見髮綠初剪齊双眉芳筵夜出獻歌舞木綿裘軟銅環垂輕身
回旋細喉轉蕩月搖花醉中見夷語何須問譯人深情知許離鄉怨
曲中奉足拜客前烏啼井樹蠟燈然共訝玄菟隔雲海見今到此是
何緣主人爲言曾遠使萬里好風三日至鹿走荒官亂寇過鷄鳴廢
館行人次四月王城變熟稀見行道路兩啼飢黃金擲買傾裝得白
飯分冷趁船歸我憶東藩內臣日納女椒房被禕翟教坊此曲亦應
傳特奉宸遊樂朝夕中國年來亂未弔拍令貢使入朝無儲皇尚說
居靈武丞相方謀卜許都金水河邊栽株柳依舊春風無恙否小臣
撫事憶昇平尊前淚瀉多於酒

城虎詞

候潮門開啼早鴉有虎忽入居人家母見畏鼠雞犬伏排籬突戶誰
能遮猱風動地初哮吼驚起東營捉生手怒拔長戈試一春目光落

地張魂走南山，藜藿深冥，白日橫行誰敢櫻。胡為雜處來城市，牙爪雖全，不堪恃君不見，壯士遭急縛，失路窮時亦如此。

春初來

春初來，柳條欲舒，花未開，曉日窗前鳥聲喜，似報春來喚人起。東風吹暖，入烟痕，綠遍江南，幾千里。去年春去憶愁人，倏忽今年又見春。但欲逢春，醉盃酒，不怕相思成白首。

燕覆巢

雙燕生五雛，怡、向高屋，雛飢母出風雨來，新作深巢，竟傾覆。主人念雖不解，飛移之別壘，待母歸，雖得壘，燕勿喜相逢，主人亦偶爾。明年作巢，當更好，須信安居最難保。

野老吟送陳大尹

桑扈初鳴，變花落，大家小家，蠶滿箔，村中無吏，夜捉人，老身醉歸行。

失脚自洗明府，一下車，短衣糲飯，即有餘，姓名免籍，弓弩手，新婦辟。鱸兒讀書，縣門前，頭柳絮飛，春風又隨官馬去，雞鳴相送，拜道邊，願公受取一大錢。

湖州歌送陳太守

草茫茫，水汨汨，上田蕪，下田沒，中田有麥，牛尾稀，種成未足輸官物。侯來桑下，搖玉珂，聽我試唱湖州歌，湖州歌，稍終闕，幾家愁，苦荒村月。

田家行

去年大雨漂我麥，今年桑柘軸無帛，身隨簿吏到縣門，田少稅多那免責。聞道長征未罷兵，轉輸日、向邊城，老少田中竭筋力，願為官家足軍食，但得官家風雨時，盡供徵賦，儂不辭。

琴操

風樹操

予自傷早失怙恃而作

朝風之飄兮維樹之搖兮思吾親之翹兮夕風之烈兮維樹之揭兮思吾親之愷兮樹之有風猶可息兮吾之無親終不可得兮

登丘操

登青丘有懷而作

驅車兮與馬蹇吾行兮胡為乎在中野登彼兮崇丘下莊兮九州思君子兮不得與駕以遊山出有雲兮木亦有柯我將歸兮憂之如何

望歸操

哀里人周復之子死於虎而作

見且而出于山之麓兮見夕不歸在虎之腹兮我往無所榛莽被谷兮嗟爾眈兮已飽我承續兮穴亦有子胡寧使我獨兮

槎軒集卷之一

槎軒集卷之二

五言古體

秋懷十首

少時志氣壯不識秋氣悲呼僇射鳴鴈遙驚東山陂中年漸多懷惻
之當此時登高望原陸不見車馬馳思我平生懽高墳鬱纍之世人
非羨門誰能久華滋惟有盈觴酒可以持自怡

明月出遠林流輝鑿庭幃促之草下蟲催我索故衣起嘆秋夜長欲
取鳴琴揮掩抑不成弄中心復乖違有懷難自宣勿謂知者稀

蹇荷之已老采蘭之已摧無由玩芳物暢望江之隈木落山更空猿
聲有餘哀所思去我遠佳期邈悠哉被垢尚可澣沫凍猶難開我愁
亦何來當秋鬱難裁棄置勿嘆息多愁損顏衰

志士憂歲晚羈人念秋早賸之髣絲垂索之枯葉槁誰言衆芳歇時

菊正鮮好日暮冷其英聊開我懷抱負賊難久居欲去恐違道時命
恐未通徜徉以終老

秋風夜颺々秋光日滿洒觀人亦心驚况乃屋愁者塊處厭空宇命
駕聊適野征鴻暮相呼牛羊亦同下我居久離群憂襟向誰寫
涼風動幽幔高堂夜空虚明燈無與語聊讀古人書古人亦何人使
我不得如棄老輒還卧終宵自歎歎

鳴虫入我戶落葉覆我井何無四方志戀此一室靜問途欲畏畏
踐霜露冷濁醪幸方熟又飲燭可炳勿憂去日多但願來日永不知
苦驅馳孰若長醪酌

弱齡弄篇翰出門結群賢俛仰幾何時已有新好年歡娛雖常途憂
患亦屢牽世故逐人老鬢髮能久玄沉思復何為省我既往愆問道
行已歌中途苟歸旋

朝遊荒岡陟暮行空潭側我非楚大夫何有憔悴色良辰思遠聘周
道廣且直我馬力不前回駕任偃息踟蹰阻脩程日夕睇西北苟安
非予志所懼時未識

弭棹望江渚日落青楓林驚波駛且廣蕩漾浮雲陰靡々羣蘭衰噫
々渚鴻吟顧此凜節謝憂來忽傷心宋子悲已多潘生歎弥深自古
有此愁誰云獨吾今

寓興三首

有鳥來萬里海寒遇天風群飛忽四散雲路不得從珎羽已摧落襟
褫向深麓雖無金丸惧飲啄常弗克悲鳴顧霜雪欲托無高松黃鸝
何時來啣我出蒿蓬

有女乘烟霧出遊江瀟麗服飾珠翠光輝比陽春借問誰氏子乃是
洛浦神自非瑤臺侶誰能得相親空懷纏綿意日暮無由伸

有客愛遠遊驅車上高山東海不盈覽扶桑低可攀欲與仙人期
翱翔彩雲間白日忽然暮風霜慘容顏徘徊望鴻鵠失路何當還

空明道人

我聞赤城東仙嶠名委羽煙霞閉深洞絕壁飛玉鼠空明中有天日
月照瓊宇昔人鍊丹成自駕黃鶴舉陳翁夙慕道棲此求真侶玄文
夜長披靈藥朝每茹石室人不來閑眠青蘿雨于今定非死飛遊去
何許海上幾秋風誰傳令威語

錢孝子廬墓錢乃吳越忠孝王裔也

颯々黃竹巔蕭々白楊村行人亦悲哀何況父母恩不悲返華屋結
廬傍孤墳啼損應哭聲日暮空山昏無隣與誰語獨宿傷精神仰聞
松栢吟悅見狐兔奔淚洒墓前草常春死旁根至性有如斯不愧忠
孝門

題隨月映雪二圖

空齋無短檠愁度新涼夜青天素娥出餘輝獨堪借連曙願徘徊莫
逐秋河下
簷雪不能掃留映寒窓白書字細如蠅坐看還歷々華燈照歌帳誰
似南隣客

倪雲林畫義興山水

嘗吸陽羨茗不遊陽羨山銅官結秀色都在畫圖間樊川醉遊處水
榭依沙樹雲入縣城來溪流太湖去我愛雲林生高歌無俗情石庭
梅欲發須放酒船行

王黃鶴畫秋林高士

二仲有玄賞相携在中林遐景延迥步微言諧素襟天秋谷響哀日
曠川光陰風駛多委葉山空少歸禽遠迤臨長岡迢遞指遠岑諒非

羈離客詎用愁登臨

澹菴

素士脫紈綺澹然怡道心窮廬車馬絕寒鳥下庭陰酒外寡真趣琴
中多苦音閉門三日臥風雪滿城深

蘭室

湘臯春水深澧浦秋風早如何庭戶間芳蕕獨妍好不有君子心憔悴同芳草

晚憩靈鷲院池上

微雨過祇樹寺齋涼已多臨流一就盥搖動滿池荷風後扇力薄煙
中爐氣和輕非許元度吟卧每來過

始遷西齋

乍懸南樓榻始布西齋筵西齋非吾廬幽淨亦可憐風牖竹裊露

庭菊鮮、圖史左右陳永日坐一榻婉孌數童子哦誦當我前為尔
竟寐寔低回欲窮年讀書將何為乃與初志愆進無適時村退之負
郭田我生非執事謀食有道焉苟得隨群趨碩此不稍賢飲餘解衣
卧毋嘲腹便、

林屋圖題簡盧公武

竹梧翳空石知是幽人居林間鳥鳴後亭空賓散餘聞有盧鴻隱長
年留著書

春江圖題送王彥強

歌徹小秦王愁深弟發觴飛花蕩春影江水不勝長日暮東風急離
筵且緩張

因病不飲

我昔無所求但愁酒杯空引滿先四座醉豪壓春風年來病稍侵積

憂復相攻舉觴不能吞若有物梗胃歲晏風雨夕擁爐坐聽中酒徒
散去盡歡呼與誰同三杯即頽然憔悴映燈紅後老當奈何即今已
如翁斯味禹所惡攝生咲無功從此便可止賦詩繼陶公

我愁

我愁何從來秋至忽見之欲言竟難名泯然聊自知汲汲豈畏喪棲
託詎嗟卑既非負士嘆寧是遷客悲謂在念歸日故鄉未曾離謂當
送別處親愛元無睽初將比蔓草夕露不可萎又將比煙霧秋風未
能披藹然心目間來速去道苦遲借問有此愁于今幾何時昔宅西
澗濱尚樂山中寄茲還東園中重歎草不衰閑居誰我顧惟有愁相
隨世人多自懽遊宴方未疲而我獨懷此躑躅誠何為

三良

殉葬古所禁秦國固戎風穆公臨棄朝要此三臣從三臣百夫良不

與親暱同一夕死俱斃無人國將空指生豈不難忠義感素衷長悲
先朝露無由奉君終遺命漂在耳焉能惜微躬但懼學王孤誰當共
成功高墳荆棘間玄雲閉幽宮壯鬼同此歸冥冥路安通國人痛莫
贖洒淚呼蒼穹傷哉黃鳥詩流哀竟無窮

荆軻

劫盟非義舉曹沫已可羞燕丹一何愚區區祖遺謀千金養荆軻誓
將報強讐奉圖使入關心知絕回軒賓客盡白衣相送易水頭酒酣
涕難落筑聲和悲謳猛氣激蒼旻長虹為西流行造秦庭陸戰衛
甚周臨機失始圖利鋒竟虛投豪主一按劍社稷倏已丘先王禮樂
生破齊震諸侯苟能得此賢伯業猶可修胡為任輕易自趣亡滅憂
徒令後世人歎惋餘千秋

褚彥中存畊軒

褚翁江畔居家無二頃因所保方寸地欲為子孫傳畫以仁義畦灌
以禮樂泉得耒耜躬耕可終焉去惡如去草不使得蔓延沛若
時雨化良苗已芘然所獲亦既多豈止三百廩柰何謀富八兼併連
阡陌已田不解雲茅塞誠可憐嗟翁豈老農遠勝樊子賢有德自足
飽何憂值荒年

九日

茲晨豈不佳秋日麗川陸幽人自悵感坐念積運速去年登高曾朋
舊俱在目霜前紫蟹肥露下細杭熟空山有棲鳥歸駕不忍促今年
客江皋落日吟影獨逢辰少歡意愧此籬下菊人生苦難知世事嘆
可卜但須酌柴桑有酒吾自漉

九日無酒步至西汀間眺

高天無游氣秋氣自激肅離屋時節變霜降未授服蕭條田野間晨

十

步脚遠矚悠々寒川駛靡々情蠻蠹菊蕝有清香木葉無故綠親朋
去我遠登高且連躅孤懷誰知音惆悵臨水曲名酒不可尋歸來掩
茅屋

贈惠山醫僧東山

九峰聚錫麓一水迴梁溪之子脩淨業長年此幽棲曲彈白雪妙詩
吟碧雲低况有醫龍方丹成重刀圭採藥夜歸院蘿月照澗西扁舟
欲相訪愁作武陵迷

贈虞山談鬼谷數齋師金松隱

我聞鬼谷子乃是古仙真避世青溪中不污戰國塵著書十三章常
年授儀秦二子不善用竟皆殺其身齋師得異傳相去逾十春不為
從衡說談數妙入神往年客南都蓬門集朱輪下簾論玄理驚動金
陵人歸來隱虞山繞廬樹松筠誰言目無視內照靈光新緬思大化

根生此下土民起滅千萬途孰能究其因或愚聘結駟或賢被懸鶼
命也可奈何天道誰踈親世事慎守常毋使徒紛綸

端居燕客次蔡叅軍韻

林旦未昇旭岩深稍祛霏夙興達仙署在公違告腓良儔信可懷
彌月曠容微偶茲解華纓沽酒酬芳卮鈴駟儼衛齊故樂出房帷放吏
命決滿留賓教闔扉談咲竹下塵睹墅花間慕歡整辰宿好言長蠲
積思佳辰子所惜高誼予依希時難騰睽阻能此嗟為誰願各保大
和長年樂施、飛佩倘可接東方候安期

過羊腸嶺在太平山

我昔江湖遊命寄一葦輕今朝籃輿穩愛此山中行松風與澗水故
作波濤聲初登羊腸嶺畏聞羊腸名入林穿蒙叢出谷擇曠平雖非
太行路車馬恐敗傾我何敢乘此要識艱險情

登竹竿嶺在花鹿山

曲徑隨蟠蟠高枝作猿攀力盡到頭頂始見湖中山烟雨過空鏡曉
沐西子鬟好景如好詩追尋詎能開朝飲白雲泉夕渡明月灣自咲
俗緣在未窮遽言還應知他夜夢猶在山水間

賦長洲苑送徐孟岳

江邊採芳游花過鶯聲寂風林柳觀琴月舫蓮塘笛豪華已非舊恨
與煙蕪積方嗟既往人復送將歸客回首望蒼、送山雨中夕

送金海虞

青、堤邊柳鬱、當春榮漫、悲路長戚、念子行子在車全馳子
去觴獨傾乃知失群鴻不若求友鶩山川間音問何以慰我情唯其
布嘉惠海隅聞頌聲

送徐記室幼文往蜀山

結客抱狂志，傾身通俠交。東將觀渤海，西欲踰函嶠。奔蹄脫驚轡，
翻連飛鏡酒。具載車出兵，法華燈鈔從。軍願奮立學，儒耻譏嘲寧。期
憂事集頓，使芳年拋塵衣。曉城陌雪帽，寒江郊客堂。感嗟歸室悲，
蟻蝟自咲失。水齟空慚泮，雲蛟獲君乃。瑚璉顧我猶，斗筭高懷矯。衰
薄雅音變，哇咬談詩辨。六義讀易窮，諸文情親豈。珠意氣合真，同胞
因依像輪輻。暢和諧墳範，及席夜留宴。僧扉畫檝敲，循花縱步慄。映
柳持鳴鞘，塘行月灑。林卧風捎，要渺送謳唱。瀾翻雜詠，咽九消
炊野飯盤，香薦山穀。遭時維齟齬，處俗不混淆。曩游既相挈，茲離竟
誰教。浮湖理去榜，祖道移中庖。遐方未罷戍，近日猶被抄。鹿驚互奔
併，虎鬪仍叱咤。荒墟少杵砧，遠壘多茄瓠。問往何土里，荅云此巖壑。
人安地有阻，歲稔田無境。牛羊可放牧，鴉鴨供煇炮。湍長機磴激，石
古窪樽砌。樵斤聽伐木，獵火看除茆。兩紅爛秋實，露紫舒夏芑。溪晴

鴈拍、村曙雞膠、書聲隱篁竹。棹響穿蒲葦，聊將耦沮溺。誰敢儗
夷巢末事，誠瑣、大言匪喙、世險跡生筍。名浮浪吹沱，稷祖擬共
把千戚行，俱包社舖飲。烹狗膾祀歌，迎猫慎勿厭。寂寞長當謝，紛曉

秋夜懷張贊軍思廉

序、雲間樓皎、樓上人相望。如明月，此夕東海濱。秋風忽驚客，梧
葉鳴聲頻。不寐繞飛檻，高步咏道真。誰憐荒園中，幽卧愁難親。露寒
砌，蛩急相思空達晨。

賦得法華兩送惠上人

慈雲起靈山，虛空寶花雨。遙從天女手，零亂飄春曙。香滋淨沼蓮，影
拂祇園樹。高僧結習銷，衣上留不住。唯隨一葉風，飛渡江南去。

送陳秀州

我行秀州野，馬首迷荆榛。路逢病老翁，涕泣說苦辛。前年亂兵來，殺

殘存幾人崎嶇墾舊田欲活未死身官府事徵索書版日下頓點丁
不遺孤輸穀不待新屋中見啼嗥門外吏怒嗔豈無凍餒憂天遠不
可陳我初聽此語迴思一顰呻國家昔平治九土貢賦均中間致茲
變主吏失撫循須知奮挺徒原是負耒民虐之乃為敵愛之則相親
此邦固易治風俗自古淳柰何不加憐使作酒轍鱗固留告老翁無
為重沾巾歸當率子弟努力耕作勤除書已報下太守今甚仁

暮行園中

我懶不自耕廢地茅屋東雨露日夜滋鬱然長榛藪翳、荒蹊長澗
、暗溜通時因讀書餘曳杖行其中早晚集亂雀吟秋聒微虫幽興
苟自慙勞華詎無同容身有此所孰謂吾道窮

秋風

秋風屋外來落葉紛我傍不出門幾日我樹如此黃但覺成懶性焉

知逝顏光朝冷止一盃夕卧惟一床伸足欲行道轍迹環四方而我
何為者不與世相忘

秋雨

秋雨亂我竹堂中中夜驚昏、起復卧策、坐且鳴未分醉夢狀寧
辨竹兩聲初欣自張樂終懼如聞兵既覺兩皆非古槩耿自明悟彼
事亦然胡為勞我生

題尹明府所藏徐熙嘉蔬圖

少賤習圃事種蔬每盈疇深根閱玄冬老葉凌素秋採擷風露餘山
庖足嘉羞故園經亂後蔓草日已稠野水流畦間虫聲暮啾啾披圖
似見之惻愴起我愁食肉豈無人斯世誰與謀君多恤民意毋忽歲
謹憂

大水

吾鄉水為國自惜稱漏天今年兀苦霖冒此上下困老農愁相告無
有三十年東江入門流比屋如敗船夜卧床屨移晨炊釜常懸涼風
吹蒲稗群鴨鳴我前茫々失川途出行竟回遭斯民欲昏墊天意豈
不憐陰陽致乖沴孰能究其然歲饑尚勿憂迺勉當鮮食

白水冒我田

白水冒我田風雨無休時千鳩屋上鳴貧家起何遲溝壑知不免順
受胡可辭有酒我自斟有粟妻自炊且盡今日歡勿顧明日非商歌
出金石愧無聖人師

秋日寓東屯農舍四首

我本東皋氓偶往往州城茲來卧農舍頓愜田野情如魚及故淵悠
然樂其生臨去謝主媪重來自慕羨我非催租吏叩門勿相驚
開々雞登塲秋稼稍狼籍疎榆陰門巷景暗煙火夕田家雖作勞於

世寡憂戚况當收穫景斗酒復可適所以沮溺徒躬耕不辭劇
坐父體不適卷書出柴閤臨流偶西望正見秦餘山野淨寒木疎川
長暝禽還此中忽有得怡然散襟顏遂同樵牧歸歌咲落日間
故鄉一區田自我先人遺賴此容我懶不耕坐待炊霜露被寒野僞
當歎獲時言來微薄入稅駕宿東陂今年雖未豐亦足療我飢萬鍾
知難稱保此復何辭

冬至夜感憶二首

今夕亦常夕悲感何用并寒月初死魄沉々閉層城憶我為見時早
起不待明踉蹌試新衣上堂拜父兄于今幾何年節序嗟屢更中庭
風木號哀多尚餘聲空復有兩孩燈前語縱橫挽須向我咲寧辭識
此情

昔年偶失路羈沒戎馬間南行越重江歲晏不得還風雪此夜中投

人宿荒山豈無壯士懷
聞笳亦低顏
竭來東城隅
寂寞守故關
雖已忘家貧
尚復憂世艱
安居諒難保
風雨暗荆蠻
長歌深谷翁
邈矣焉可攀

張山人山居二詠

幽巖入蘿爲幾曲
到巖扉夏鳥溪啼處
陰、花墜稀知當煙暝後
從此倚樵歸

右蘿徑

摘芳試新泉
手滌林下器
一榻鬢絲倚
輕煙散遙吹
不用醒吟
竟幽人自無睡

右茶軒

送賈文學北遊

窮年自多感
况復送良儔
落日河上別
慷慨發秦謳
風塵阻關山
撫劍不得遊
願逐高飛翼
相與出九州
嗟彼行路子
棲、何所求
夜飲余左司
完得細字

春會非有期
春愁本無際
焉知君子堂
此夕相共詣
燈銷月窺檐
角警霜委砌
舞影伶鶴長
吟聲咲哢
細隣難易催
旦共勸休復
寐喪亂得茲樂疇
云匪良計

送李使君遷海虞

兩為海上牧
州民定何如
波遮使君馬
此迎使君車
但令人買牛
不受客饋魚
我知使君賢
讀律又讀書

送韓司馬赴邊郡

淮陰將家子
讀書負奇氣
十年執一葉
身從李都尉
此行把旌麾
無愧國士知
邊風吹白草
正是馬驕時
鳴笳引前部
落日城西路
上客贈吳鉤
征人唱却護
近役非臨洮
君行莫辭勞
欲問封侯日
秋來太白高

卧病簡諸友生

抱疾卧東城文墨成久荒翔鴻乍流響時菊忽孕芳繁陰慘不舒何
殊懷積傷良儔秉高誼寡昧豈見忘車馬限泥潦無由接華觴平居
歡固難况乃時非康何以度茲運相勗蹈其常

施澤阻風

客行阻風濤捨舟步江側荒村經戰餘草木盡愁色夜投土屋中月
出林半黑燃薪燎我衣炊黍作我食更長關塞寒歸夢何由得遥想
倚閭親中宵淚沾襟

過硤石

青山夾長溪、上有魚市土門閉落日野氣白於水虎行車跡外鳥
起鐘聲裡吳語閩居人到州還幾里

讀書

世物寡所嗜雅情竹素間憑按理殘帙樂此終日閒愛觀岷周衰盛

治不可還淫辯相擠傾大道成榛管巧詐足眩世苟得弗顧患羸秦
任商若王制欲盡刪厚賦山澤空亟戰朝野殘流風自斯降誅求困
孤孱是非千萬途欲辨亦已艱賴茲聖冊存足啟昏與頑誰云古哲
駕邈矣難仰攀於焉誦其言如造揖讓班寄語向俗子幸勿叩我關
何暇徙尔談方對孔與顏

殘燈

凝寒結重暈逼曙零孤朶膏空逐漏水焰在同爐火戀影未成眠更
就餘光坐

贈見醫吳氏昆季

沈菊夜潭月斲冷秋塢雲偶因念殤者來此市人群閭街或禽戲觀
書皆烏文誰知仙籍裏元有兩吳君

送黃主簿之歸安

我歌柳惲詩送子南汀發山城逢社雨綠樹啼鶯歇留連孤艇遲惆
悵双壺竭高士尚為簿休慚府中謁無事坐閑廳彈琴看明月

送王推官赴譙陽

久治亂所伏國家失其防初如決洪流拱手徧四方頻年勞許謨欲
補千百瘡子為京師客忠憤何慷慨濯冠捧書函平明獻朝堂上言
固大業下言振頹綱且為有萬死 聖明察臣狂臣言倘獲施立能
致時康宸居豈遙遠只尺天中央雞鳴列仙仗九門洞開張謂宜即
召見并起隨班行上殿苟盡地論奏殫敷詳如何寢報聞不得瞻清
光一官非所願欲令赴蠻荒徘徊出都門風雨濕曉裝行、過吳洲
木葉秋始黃逢子解鞍飲激烈推酒床平生憂時心辛苦不自忘頗
聞到官所此去路尚長紅日出霧遲孤城海茫茫遺民似猿鹿山谷
多驚歲繁英艷躑躅瑣實堆檳榔瘴癘况時作投老恐子傷何庸

少留共驚豪華柳子咲不我顧翩然決南翔明朝指 波高帆若雲
揚去矣各異國有憶徒相望

槎軒集卷之三

五言古體

春日言懷

芳樹何靡々鳴禽亦喑々時物豈不好人事誠多乖憂來卧閑房語
咲孰與偕天道諒不昧薄願終能諧惟當守貞靜有酒陶中懷
朝臨高臺上俯視崇崗下春暉何悠々清川自東瀉陽和發卉物時
澤均播洒如何及芳辰蕭條但空野願言釋拘局登車聘吾馬曠途
不見人憂心何由駕興謝固其常吾將尤誰者
昔將理歸駕棲彼商山岑達機苦不早終焉成滯淫迴飈激游氛白
日滋玄陰憂居未經時素髮忽已侵翩々歸飛鴻過我庭前吟無翼
與同翔日暮關梁澗引領望西北徘徊內傷心
季春載勝鳴薄言累功始荒疇何容々追時不復理蒙寵荆棘間唯

難時決起思我常所經追隨俠游子偶逢采桑婦天々出墟里舊蹊
誰能尋逝者竟如水唐虞罷揖讓爭奪殊未已吁嗟乎蒼生何尤免
瘡痍

退思齋為蔡恭軍賦

雞鳴起趨府事至紛善惑應茲苟弗推在理寧免惑歸來坐深念恒
恐有慚德缺政何以裨厚責何以塞豈徒省厥躬庶用匡爾國昔聞
獨樂叟中夜忘寢息願君守勿渝明々此遺則

采鴻軒為張較理賦

高鴻本冥飛不墮虞羅裏朝度雲中關久遊湘江水驚風吹行斷儔
侶忽萬里哀鳴將何依荒澤難獨止集君華池側梁稻豐自美響度
風倫々影沉波瀾々充庖知不忍善惠念終始願君儀天朝脩翰共
騫起

曹氏春江雲舍

遙波靄微雲禽寒少相語君家在空濶欲往迷洲渚
紛々樹離霧稍稍花消兩日暮坐相思江東渺何許

黃君鴻山書舍

伯鸞鬻春地井臼有遺跡之子學幽棲託跡在林石
清風竹林晚片月羅廷夕遙想一齋空圖書滿床積

贈銅臺李壯士

我祖昔都鄴神武為世雄至今三臺下子弟習古風
問君家何方紫陌遙相通雖云此相遇情與鄉里同
若有力振虎勇氣聞山東匹馬輕俠遊刀環綴纓
紅正當兵塵起思立方寸功不從董健兒欲縛蕭
老公凌厲越宋土逶迤出齊中時人不相顧棄之若
秋蓬我豈白面郎少年亦困窮起為壯士歌迅商薄
高宮初飲五斗盡再飲一石空

與君豈樂禍西方見妖虹莫謂着鞭晚艱難殊未終

贈松江張主簿

離々平阜禾纂々橫林棗客行愛樂土秋晚華亭道
停燭春紡遲鳴榜潭漁早借問何能然年來縣官好

送臨海李提舉

驛君孤直士與世頗異儔不交金張家而獨與我遊
我居在君里衡門閉深幽十年誦詩書進取拙自謀
名藩多英豪光彩溢道周朝逢將軍車幕避刺史騶
皆云意氣盛官高富春秋良辰競為樂廣席羅珍羞
君獨自暮歸負乃與我伴雪畦寒蔬茁冰盎春蛆浮
高堂可燃燭談詠相賡酬中間阻清歡離別良有由
我尋江干宅君赴海上州老馬從瘦童人皆識賢侯
今年見歸旌一咲忘積憂那知遠方賈復此待撫柔
雞鳴城東門不得送去舟颶風常晝驚洪濤極天流
雖能

征重貨可失咨嘉猷君子且在傍願君毋久留

青丘道中

霖雨江暴溢奔流絕津涯茫茫野田白何由見春華居人久已亡流
草滿其家昔我過此土極目桑與麻故道不可尋舟行但蕪葭歲凶
豈宜客四顧空長嗟

獨步西岡

幽卧意不適出門聊獨行惻惻田野中斜徑多不平逶迤登遠立迨
遙望高城風交二變動烟迥孤花明偶逢植杖翁疑是古耦耕欲問
恐相諂歸來悵中情

三鳥

三鳥生異林相逢偶同飛各矜好毛羽吟弄朝陽輝驚風動地至羣
飛各乖違一翔入雲天一落陷虞機一止田野間蓬蒿鬱相依咏

有餘粟歲晏諒不飢猶懼霜雪侵嗚嗚獨鳴悲我行見此鳥相對發
歎歎當知皇天仁偏恤爾哂微視陷宜省畏瞻高勿貪希田間適本
性舍此欲何歸

孤鷗

涼風吹廣澤日暮多浮埃中有失侶鷗孤鳴迥且哀俯翮既摧殘一
飛四徘徊矯首望靈嶠雲路何遠哉渚田有遺粟欲下群鴻猜豈不
懷苦飢懼彼羅網災翩跹浮丘伯朝從東海來相呼與之歸謂是仙
驥材陰之長林下濯之清澗隈圓吭發高唳華月中宵開誓從凌玄
景永戲崑岡臺

新春飲王七孝廉家

江雨霽江郭寒姿變春華為欣已交音梅慘尚吐花此時高堂上晨
起獨感嗟歲換固有常時清樂無涯蕭蕭風吹巾竹外度遠沙相過

偶一醉今夕憐酒家

絮

輕盈易飄泊思逐春雲亂已拂武昌門還縈灞陵岸沙頭雀啄墮水面魚吹散官樹晚茫、哀歌腸欲斷

雨中遊寧真道院

盟手理瑤笈清齋坐玄閣夏衣生晝涼急雨和泉落池消澹、花庭解翻、簿欲去更長謔風林晚鳴鶴

遊師子林次倪雲林韻

吟策頻入院道人知我閒尋幽到深處鳥語竹斑、林下不逢客城中俄見山床敷有餘地鍾動莫催還

與客携樂遊寶積山遂泛石湖

雲山擁春郭烟花漲晴川看花入山中諸峰恣攀緣客吹玉管笙合

以金柱絃清音度碧嶂松風助冷然宛若鸞鳳吟要眇入紫煙行人盡矯首響遏雲中仙下山興未闌相携更登船虹收嶺外雨鳥沒湖中天嵐翠破夕陽樓閣影倒懸酒傾綠脂膩鮓斫瓊絲鮮獨恨無紅粧清波駕禪娟微風吹帆緩欲使歸路延衆賓起歡呼船過水漫艤回櫓掠寺過楊柳山門前此地有離宮美人艷當年羅裙罷春舞草色餘芊綿况我昔此遊冠蓋十里連重来復誰在新知滿中筵人事既若斯今古俱可憐能遊即稱達何須問愚賢我欲叫馮夷捧日出海邊醉後不歸去相照船中眠

題陳生畫

前村夕陽明後嶺秋嵐積葉落露山村潮來沒江石送、射鴈子恹恹聽猿客何事下征帆西陵渡頭驛

送乞僧東歸

浮雲與飛鳥相聚安可常。偶來雲岩寺，幾日共徜徉。我去師亦歸，洞房欲荒涼。池卧孤塔影，庭栖雙桂香。重過應未期，悵然山水長。

丁至恭清樾軒

夏雨濯高綠，氤氳冒茲軒。微涼洒林表，沉色泛溪源。羨子耽獨賞，慙予嬰衆喧。披襟一蕭散，憶在耶西園。

徐良夫耕漁軒

朝聞孺子歌，暮聽梁甫吟。豈無滄洲懷，亦有猷畝心。昔賢在泥蟠，終當起為霖。釣獲溪上璜，鋤揮瓦中金。茲世方衰亂，伊人邈難尋。既迷烟波濶，復阻雲谷深。嗟我豈其偶，聊將舉幽沉。惟予是同袍，相期華渭陰。

愛日堂

矚靈趣，頹運忽去不待人。壯者亦恐衰，况乃頭白親。心長景苦短，何

由盡懽忻。當朝慮遂夕，在夜俄驚晨。無繩繫飛鳥，使少逡巡。置酒上高堂，為樂須及辰。此日誠可惜，此意良難伸。安得延年術，為親保長春。

送張文學之雋李

迴川帶綠樹，窈窕有鳴禽。江郭去非遠，揚離空滿襟。林中古殿靜，池上高齋陰。應有彈琴士，杏花春雨深。

送李別駕赴會稽

常別豈不感，此別无可嗟。一別一去遠，魂斷秋無涯。我何恨別君，猶別其家。霜露滿故園，不待菊有花。越鳥啼楓林，路盡秋日斜。到郡且足樂，間有山水佳。

送蜀山人歸吳興兼簡菁山靜者

南浦無碧草，征鴻晨稍飛。何當杪秋節，臨水送將歸。既來不能淹，君

心應好違惻、袂始判遙、帆已微天高桂樹落人在山中稀還尋
同袍者更製薜蘿衣

端居懷兩王孝廉

寡劣時所棄獨卧無與親蕭然閉齋閣左右圖史陳風雨摧衆芳今
人怨徂春豈無尊中酒坐念兩故人日從賢豪遊雜還車馬塵焉知
離居客積抱難自伸

醉贈王卿

持身無可許里閭任浮沉不捧諸侯檄曾辭公子金斗酒豈辭飲感
君知我深誰無旦暮急相周唯季心

贈群上人

湖雨洗秋碧西南見諸峰中有楞伽僧迴闕超世踪高風搖飛泉落
日帶遠松欲往已知處烟蘿鳴飯鐘

西齋池上芙蓉

池荷已衰颯孤艷仍獨在滄洲遠夢違風露妍姿改窈窕徒自媚寂
寞還誰待此地托根偏非無美人採

詠軒

蕭、布華榻冷、罷朱絃臨檻一流睇幽事忽滿前池草方依微庭
柯正慙芽偶爾發孤詠聊茲馮中悄景融理自得詎辨虫與妍猶慙
至妙意寂寞非言宣

劉琨之騎牛圖

夫子初亦仕絃歌穎之涓園廬忽在念解綬言歸期方春養孤犢既
耕亦以騎春風草茫、出遊徧山陂田家有美酒輒醉不復疑當昔
天聖間實號休明時豈無理人術終思塵鞅縻嗟今屬喪亂懷策競
欲施清勞遠莫挹載誦廬山詩

驅瘴

我生東海孺氣濕素善支方景忽遘疾未旬愧消羸俄頃水火爭寒
氷繼炎曦楚續雨謝挾瘴統遽尋持戰如恐墜陷燒若當遭炊向夕
勢漸消臨風與清池既去謂遂息明午復如期俯仰天地寬無處竄
眇軀思我負到病由是生累啖豈伊水帝子遺威肆相欺會當濯滯
昏靈藥雜進施里閭習巫風磔鼠勸讓驅韓子蓋有託誰能辨其詩

客有不樂者

客有不樂者默坐空堂幽明燈照孤影對酒焉能酬風雨忽夜至單
衣颯驚秋葉頃已滅、蟲鳴尚啾、於當屬有念苦願君聲收讀書
仰千古命駕志九州孰云吾多智有已不解謀冥飛既難扳苟得亦
可羞守道固寂寞寂寞誰尤

和徐幼文與倪隱君贈荅詩韻

廿

昔遊紫藤塢空山鶴鳴秋相望隱人居興闌竟回舟邇來獲晤賞玄
談劇風流每欲開南軒招我共偃休天寒鴻鴈哀芟荷落長洲豈無
一勺酒訪予溪水頭終慙文墨牽只尺成阻修聽兩掩閣臥觀泉上
巖遊朝覽贈荅篇詞藻誇兩優味之殊雋永觸手虹光浮我本丘壑
人猿鶴肯見留擬結歲晏期壺觴展綢繆况聆西澗濱禪宮闕清幽
夜看太湖月遲我同登樓

謝陳卿惠冠

佳木產異域質理密且堅斲為野夫冠我然着我顛故人遠貽贈皎
若瓊瑰鮮覽鏡見雅宜鄙姿忽成妍持報乏金玉殷勤在斯篇

朱生讀書所

高士寡所嗜雅情竹素間北牕夏陰敷散帙欣燕閒汎觀古始來治
忽儼未刪重華去已遠鳴鳳何時還微言誰能尋往躅那可攀當感

既拊膺遇得亦解顏詠歌南風前至樂孰與班方爾對醒賢侏子母
扣關

贈李元脩

幼文約余與止仲同宿士明鶴瓢山房為試茶之會余既入郭而
幼文已歸山中士明亦往海上止仲復以事不赴士明姪元脩留
余夜話因賦是贈之

道人出未歸高士來復去試茗失幽期寒齋成獨住冰生洗藥池風
動懸瓢榭賴有阿咸賢玄談到天曙

堂下栢

堂前四小栢羅立二尺長始栽附南墀遠移自東岡春夏衆草芳翳
沒成父荒低枝網虫懸暗葉螻蟻歲不沾夕露氣每隔朝陽光我病
廢斐理覽之屢彷徨玄冬忒嚴候迅風激飛霜蕪穢忍自除鬱然露

芽

蒼、恍若群隼散鷓雛得翱翔乃知受命正雖弱自可強循步賞勁
色撫扳拖微香幸得依我居勿令縱牛羊他年培養成凌雲孰能量
後凋誠足貴蚤厄庸何傷

懷徐幼文

哀鴻乍鳴渚落葉初覆陌故園常披衣却思遠行客、行日已遠我
思日已積東南望歸棹鳥去烟波夕憂來不成言滿抱空戚、豈無
一尊酒黃花為誰摘

會宿城西客棧送王常宗

君來歡不足君去憂何遽共聽楓橋鐘聞連恐將曙蛩鳴故苑草鳥
起高城樹明日獨登樓歸帆渺何處

袁氏高節樓

海上有高樓朱甍煥晨光清風自遠至吹動羅衣裳樓中單棲人憂

思起滂徨良匹已久歿自誓不再行欲取哀琴彈仰見孤鴻翔孤鴻
去何極撫景空嘆息感傷婢媚容思作憔悴色憔悴非一時黃泉以
為期含情不能道聊詠兩髦詩

施君眠雲堂

古弁一高士白雲與之儔性懶復好眠招雲駐林丘下雲作簾席上
雲作衾調雲去稍舒膝雲來正蒙頭平生無心夢與雲兩悠、自言
眠雲樂世無一可伴浩然身欲飄若乘無倪舟朝至乎帝鄉夕返乎
仙洲寧知日月旋但覺乾坤浮天雞叫不醒宿、空巖幽我觀山川
氣出入不可求或逐鸞鶴翔或從蛟龍遊或為風伯驅狼籍不可收
或遭兩師怒奔走無能休小生膚寸間大覆徧九州變化實多狀欲
筭苦費籌柰何一室中爾獨解使留我行塵務區願出久未由舉足
常防危開眼即見愁不如閉戶瞑往尋孔與周愧無山中綠雲肯相

從不惟當往從爾一夢三千秋

京口張氏世壽堂

天與下民壽各有百歲期行年不能滿人自傷折之雞鳴晨開闢眾
車起交馳茫茫欲海中神位那能知醲鮮薦廣席妍妖貯深帷白日
未及終紅英忽先萎春風北邙原青草冢纍、借問其下人得老還
與誰翁家鶴溪陽先朝業書詩一門四葉來俱聞享期願世壽何獨
能世德尤不虧翁今眉生毫益以道自怡浮榮等飛煙昏旦從變移
不曠華池漿寧冷古柏脂澄觀息內想心閒自難衰一牀坐松陰風
巾又披、承顏立侍側亦有白髮兒嗟我生甚晚况復值亂離故老
不復親猶及翁在茲願言拜堂下聽說昇平時

送張隱君歸耕西山

山中久無人秋風桂枝衰朝逢還山客言赴白雲期人出君乃適嗟

哉此何時東岡有良田負耒當自治四體雖云勞歲晏可免飢而來
未能返驅車竟何之

理篋得諸友詩存歿感懷成詠

閑理亂帙中乃得故友篇顏色見遺翰瓊華尚清妍憶昨遊名都結
交此群賢日枉貽贈詞情文藹相宣悅仰未十周飄零若雲烟生者
應白首死者皆黃泉屈指俱別離羈愁獨江邊舊懷誰能識洒涕東
風前

次韻包同知客懷師聖

我少未嘗事處世百不憂譬如生馬駒奔放安可收豪華欲縱觀西
秦更東周結交原巨先共作緩急投焉知化紕謬終然此淹留出門
遇途人空策策下驢積雪被岡原大風揚河流撫茲歲暮懷局促誰
與謀君從東方來亦是慷慨儔偶居冷官廬設誦九聚丘惟火無膏

油起歎夜正幽自憐非執事寧不有所求耻隨軟媚子取笑同伶優
大言衆皆驚千獻不一酬空時尋我飲醉將舞颺颺君今勿多談已
具兩韵舟鷗波起春江歸路漸可由無為坐自苦素髮實易稠

浦江鄭氏義門

好鳥勿斲翼斲翼難為翔佳樹勿剪柯剪柯難為芳人生有同氣胡
忍自戕傷首復多支生誰趨急難塲請看鄭家兄為弟死維揚子孫
復聚居流芳久彌長十世一門戶百身一肝腸囊無私藏我釜有同
炊糧問男何所為讀書講虞唐問女何所為鳴機織流黃晨興各冠
珮于、上高堂聽翁教戒言祇受不敢忘雖生甌越區如在鄒魯邦
兩朝太火筆特書為褒揚行人問其廬喬未鬱蒼、何須雞哺狗家
昌乃真祥真祥由德生天心果何常我欲遊麟溪壽翁奉一觴莫聽
豈箕詩聽歌棣華章

送王檢校之廣東

國士抱玄璞，醫師薦朱絃。質音豈不良，衆俗迺是捐。勿恤衆俗捐，始
昧當終喧。志士構時屯，歷說末見賢。朝遊秦關中，夕宿漢水孺。建
詎無勞亮，節要自全青。空撫東師重，光麗中天恢。業萃群林虛，若海
受川卷。言厲茲寄遠，抗丹激旃。高翰歛飛翻，孰得羈係焉。揚芳貴有
烈，崇德願無愆。願已尚留滯，殞涕沾前筵。

答張院長雨中見懷志道

林園寢扉掩，閑坐道心生。山藥翻寒色，塘漪含晚清。乍違枉芳札，遠
憶愧深情。此日知同寂，梧窓聽雨聲。

秋日寄王太史常宗

媯雌太史自海上，入郭因得追游。以叙舊好，今日風雨偶闕晤言。
樓居早寒，懷人尤甚。想孤寓僧林，同此岑寂也。賦是以寄。

良辰曠清晤，窮年秉離憂。倏來自海隅，諧我心所求。不殊雲中鴈，和
鳴得其儔。宴閣既連席，行塘復同舟。坐聆金玉篇，鄙拙何以酬。風雨
戒茲旦，居然阻從遊。祇園念孤寓，微瘵苦未瘳。落葉驚早寒，誰當慰
淹留。朋來不我離，願已良有由。從茲睇停雲，夕倚城南樓。在遠分難
親，居近彌使愁。信彼詩中言，一日如三秋。

登樓看雨有懷

清曉看江雨，獨登江上樓。人煙與草樹，蕭瑟滿城秋。石響寒稍急，鴻
聲哀更流。故知隔楚塞，西望忽成愁。

舟中早行

隆隆津鼓動，江火留餘閃。人家未起耕，近水寒扉掩。船開鳧鴨散，樹
吐煙霞歛。東郭去方遙，青山見孤點。

金進士軒前葵

幽園夏雨歇戎葵乍翻風獨於群芳後閑依萱草麓山艾葉映綠海
榴花競紅敷榮子簾側流霞夜窓中應有傾陽意將軍心正回

春草軒雨中懷王太史

西軒罷琴坐涼思欺白苧颯々樹聲繁秋風滿池雨蓮衰少暗馥禽
靜多幽語對此闕良儔常歡反傷緒

姚牧林軒

林居孰云陋幽意欣自適隣無醉歌吏室有玄言客風疎櫺窗晨月
皎琴御夕塵駕衆何淹窮年抱空寂

魏使君見示呂忠肅公舊贈詩因賦

公昔隱江夏岩棲避兵革遠地戴叔鸞清風洒泉石有時歆梁甫慷
慨人未識左丞中朝有伏節任方伯北還駐嚴程造廬問籌策知非
山澤儒期是廊廟客礪石繫官舫猿叫月初夕秉燭題贈詩蒲圻掩

九

孤驛欣々得賢喜耿々憂國戚短章寄深情相投重珪璧邇來復幾
年淪落已陳迹公起佐興運身名正輝赫侍講蘭舟闡專城森畫
戟緬懷舊知己永歎泉壤隔難懸延陵劍空聽山陽笛遺篋中藏來
每誦如再覩真能重友道未許薄俗易一言不忍忘况乃膺寵錫小
大固可知令人義肝激

東屯即事

朝服已解儼然山澤癯欲狎林下人相歡混賢愚朝來此水濱高
歌步踟躕忽逢一田父舍耕拜路隅疑我是長官恠我體貌殊我已
忘所有彼我未忘歎不能使爭席心愧禦寇徒

暮途書見

暮歸東市門道路聞悲啼駐馬一借問答云征人妻征人新戰歿飲
恨沉黃泥有見在哺下飢來食無糜誓將割慈愛弃去從東西我看

巢中燕雛長隨母飛皇天仁萬物兼照理弗違此獨何奇偶不能與
之齊躊躇去復顧使我心肝推

槎軒集卷之三



國家圖書館, NATIONAL CENTRAL LIBRARY, TAIWAN, R.O.C

槐軒集卷之四

七言古體

松隱為愛叔能賦

江邊柳樹溪邊花，晉處士宅秦人家。
秋風忽來春雨過，坐看衰落俱堪嗟。
山中相依歲年久，羨君獨結蒼髯叟。
短褐長鏡不解耕，疾疢作食花為酒。
我今身似浮雲閒，正合著在長林間。
明朝倘許同棲泊，便擬飛隨白鶴還。

愛竹軒為陳惟寅賦

匡山老客何清真，自繞園屋栽蒼筠。
年來無肉雖苦瘦，家有萬玉誰言貧。
一竿護惜不忍剪，何以持釣橫江鱗。
僅來掃葉自可喜，客至踏笋長遭嗔。
輟輟啼罷結遠夢，碧雲忽隨湘南春。
涼陰偷潤琴硯深，翠丹沾衣巾。
詩成時向節下寫，醉墨點破烟痕新。
風來清嘯與相

前年城西作冶遊、柳條拂蓋花迷舟、咲看明月問狂客、我舉大白君
當浮、去年城西復偶住、酒伴家、邀即去、東隣寺裏花正開、半醉半
醒遊幾度、今年有花愁獨尋、閉門三日卧春陰、將軍小隊遊何處、日
暮空聽車馬音、皋橋春娘珠窈窕、為我喚來歌水調、客愁草、不易
除、世事茫茫、本難料、玉壺一雙秋露傾、唯此可以陶吾情、醉歸共賦
草中石、咲擊弓絃霹靂鳴。

晚步西郊見駕鵝羣飛

平煙漠漠天蒼蒼、牛羊不收野草黃、駕鵝東來高作行、晴空忽墮數
點霜、紫塞碧海遙相望、下視鳧鴨愁陂塘、書生見此心欲癡、便思呼
鷗上馬馳鷗鷗之表、自倒披箭聲脫弦、鳴餓鷓、遠翻正落雙參差、仰
空拍手誇奇絕、豪氣服殺并州兒、也勝閉門坐詠詩。

北郭秋夜喜徐幼文遠來兼送南遊

東海徐君我同里、日共周旋接冠履、斯人自是真可人、不見心憂見
之喜、豈容遠別間山岳、兩歲僅收書一紙、頗聞微祿不自養、霧雨南
方疫時起、誰能忽送十里來、應有飛鴻度江水、虫聲今夜空雜涼、秉
燭相看疑夢裏、瓊枝何以失舊色、客路風塵亦勞美、我今不辭出門
行、病眼流眵肉生醜、與奪得喪未足較、惟有一負聊復爾、暫來即去
何使然、撫琴東西覓知己、當時結交豈不多、下車相揖今無幾、願君
窮達存此心、勿使十年咲餘耳。

謝陳惟寅贈其故弟惟允所畫山水

大髯袖中有廬嶽、嵐氣噴人寒色薄、出贈生綃一幅圖、云是小髯之
所作、我嘗游君伯仲間、仲今已矣空見山、畫中無限襍礫意、使我坐
見愁滿顏、重崖複澗迷樵路、香煙蘿晝如暮、溪閣風生醉客眠、野
橋月出歸僧度、樅林蒙密楓林高、深處似有猩猩蹄、滿空雲凍動秋

思飛泉落日何蕭瑟、揮毫若此難再得、白鶴何時返鄉國、良工自古多苦心、留賞人間賴遺墨、南宮北苑皆已僊、此圖與之當並傳、坐嗟存歿意難報、作歌愧匪瓊瑤篇、

天香溪處題周遜學卷

仙芬染骨濃無跡、秋入畫堂簾不隔、夢尋老蟾烟霧迷、碎落金猊夜愁寂、素娥舊栽無兩禁、萬古散吹秋滿空、熏羅不焚象龍火、人倚画闌清影中、蕙蘭暗泣幽馨歇、只有瑤芳占涼月、

朱澤民荆南舊業圖

睢陽醉磨一斗墨、夢落荆南鴈秋色、太陰垂雨尚淋漓、哀聲回風更蕭瑟、楓林思入煙霧清、湖水愁翻浪波白、溪上初逢野老航、山中遠見先生宅、秣田半頃連芋區、茅屋三間倚蘿壁、僧來看竹乘小輿、客去尋苓借高屐、任公臺下石可坐、周侯廟前路曾識、席迹時留暮管

紫蛟氣或化秋雲黑、城郭當年別已久、風塵此日歸不得、落日書齋半壁明、畫圖臥對空相憶、

金華葉山人煮石山房

山人不飯粳稻香、咲指白石為饌糧、金華之石猶可食、元是舊牧功、平羊荆榛拾、深夜深煮、自言久服能輕舉、但令隨處有雲根、不問青天旱無雨、我生無力耕西疇、視田欲枯抱饑憂、便當從君學此術、絕勝乞米監河侯、

蕭山尹明府吳越兩山亭

憶昔看山吳越遊、酒酣鼓棹江中流、左招舞鳳來百里、右顧卧龍橫半州、崢嶸兩勢不相下、氛翳淨掃當高秋、文身鳥喙昔分處、有國本是名諸侯、區區仁恭固無異、朝吞暮併山應羞、不知千載竟誰主、伯氣倏與飛烟收、邇來此地有兵甲、風景頗似當年愁、黃雲蔽天道路

遠我欲再尋應莫由、聞君作序歷是境、坐獲衆勝非窮搜、江長不隔
飛鳥度、峰多欲障斜陽、廢興自古屬造化、登臨未須生百憂、但當
矯首望東海、一杯咲舉邀浮丘、

贈丘老師

長春之孫具仙骨、袖有蟠桃食遺核、平生不學燒汞方、唾視黃金等
何物、滿城誰識舊庚桑、白髮人中似鶴長、時上高樓惟獨醉、榴皮書
破壁、麝香、

贈禱兩步鍊師宗浩

白頭道士騎一鶴、手把青蓮下翠廓、人間又見海田枯、十丈黃塵沒
城郭、昔年服事茅長君、能役神鬼呼風雲、下為群生掃旱沴、兩工驅
起如羊群、陰雷填、天欲怒靈飈、吹旗紫壇暮、書入重關虎豹開、壁
沉古井蛟龍護、須臾甘澍何滂沱、十日不雨應無禾、祠官空為大雩

舞、覲女羞作迎神歌、明朝師歸定何許、雲裏懸珠大如黍、

贈陳孫兩義士

泉南兩士陳與孫、少小相約為弟昆、合疎成戚契誼重、吳木纏結如
同根、升堂握手出肺腑、交拜二母開壘樽、具舟期賈海外域、欲度夷
燹窮、崑崙滄溟東望浸、天爛颶風怒攪波、濤渾天吳恍惚出怖客、掀
舞蛟鱗飛鵬鯤、孫言陳宗惟子在遠、涉巨險吾宜奔汝親、頭白倚門
切、慎勿輕去違晨昏、相讓不得乃更往、挂席遙指扶桑瞰、望山行覓
島中國、亦服通譯侏儸言、尋煙暮投辟荔屋、趁墟晝集稅榔村、踰年
還家喜得寶、木難火齊并瑤琨、探囊用取兩不較、屑、彼我誰復論、
急難相援誓終始、歲時宴慶烹羔豚、義風久已動殊俗、雅結相見知
欽尊、我聞同氣有爭利、閱牆往、隳家門、又看結交許歲晚、盟盤未
撤渝情、心管鮑居貧乃共濟、餘耳得勢終相吞、若茲二子古亦少、簡

牘可使他年存、作歌為繼王子傳、薄俗視此應堪敦、

贈賣墨陶叟

龍井老人稱墨仙、有家近住荆溪邊、鐵臼秋鳴竹屋雨、瓦溝春掃桐
窓烟、玄玉初成敢輕用、萬里豹囊曾入貢、日長小殿試烏絲、迸出驪
珠光欲動、世間潘李今已無、黃金滿篋爭來沽、詞臣供寫上林賦、畫
史藉作瀛洲圖、文物年來頗凋弊、喪札誰言少知貴、便須從子乞雙
螺、醉草檄書磨楮鼻。

茅隲叟夏山過雨圖

前山冥、雲欲開、後山隱、猶聞雷、江南六月風雨過、樹暗不見巫
陽臺、奔湍衝斷石橋路、下瀉谷口相喧豗、陰開林壑鬼神去、氣濕石
洞蛟龍回、人家出門看新霽、沈封墜果多楊梅、漁樵欲歸謂已暝、返
照峻壁蟬鳴哀、山中此景誰解寫、茅翁素有丹青新、圖一片似海岳、

高堂未展涼先來、嗟予久逐揮汗菴、蓆帽障日趨黃埃、問翁幾欲東
遊去、如此畫圖安在哉、

錢舜舉畫摘阮美人圖

圓槽象月俯寒玉、暗貯宮商滿空腹、美人和恨抱秋風、偷寫琴中舞
鸞曲、傾鬟低黛幾娉婷、夢約湘娥倚竹聽、滴盡冰盤老蛟淚、阿咸帳
底醉初醒、梧桐落翠萎、蘭紫仙澗流雲含、王子甲屏難障夜深寒、恐
踏驚鴻忽飛起、不識人間出塞聲、瑤臺別有斷腸情、調終人去哀絃
歇、桂樹烏啼墜斜月、

答若聽金奏怡我神、知無顏色相見如、自古相愛惟幽人、洛陽陌上
花易過、歌鐘競賞勞車輪、何如此君最耐久、歲晚結托同情親、亂聲
朝來簾外雨、踈影夜拂牕前塵、我曾種此欲免俗、亂後代盡惟荆榛、
故園尺尺未能去、移家幸得為子隣、往來倘許如二仲、敲門借看母
嫌頻。

和杜彥正徐幼文過甫里

桃花紅雨春江挾、舟逐飛鷗櫂双夾、甫里祠前有客過、竹弓莫射能
言鴨、我今塵夢何時歸、水漲夜沒祠前磯、長歌滄浪拍銅斗、誰酌先
生一卮酒。

獨遊山中懷周復道

借居水北隣雲岩、醒遊醉臥月滿三、空山孤愁似放逐、踐蛇衝虎窮
幽探、綠梯上窺萬仞壁、垂緘下汲千丈潭、稠蘿翳壑變朝晦、恠亦發

澗留春酣、青山識我豈生客、曾與周子來聯驂、是時秋高鶴聲厲、霜
降兩岫終收柑、餘洗足上堂坐、手揮談麈風飈、如今故人亦遠
去、帆葉暮落吳江南、斷崖蒼蘚漫舊刻、往夢追想情何堪、巴僧不厭
客屢至、篝燈夜禪同一龕、風回忽洒石門雨、日出盡消溪市嵐、乃知
山水有深趣、天意獨許窮人諳、我今豈是慕高隱、非才濫進能無慚、
業緣種、去畧盡、惟有佳句猶相耽、便求安心向佛祖、不待婚嫁女
與男、

送林謨秀才東歸謁松江守

江城秋陰朝不暉、落葉古巷人來稀、林生何求乃過我、敢屐躡雨投
閑扉、自言少習澤宮射、思侶衆士登王畿、風塵失路困漂轉、我豈無
志時其違、欲充材官挽強弩、關塞莫解窮城圍、將從隱者服短褐、霜
露難採荒山薇、長年旅舍被擅冷、坐厭蟋蟀愁伊威、諸侯得意盡輕

客顧影竟傍何門依南津昨夜砧杵動風來燭前驚攬衣家人倚戶
望應久宿春未辨悲慙歸今朝江帆偶東轉願惜子語為光輝嗟予
亦坐窮作索讀書不出遭罵議士無賢否負者鄙此言信矣誰云非
囊之黃金可揮贈有詩寧救君賜饑雲門使君本儒者貴顯尚肯矜
寒微倘開深池養病鵠翼成待春摩天飛

送張進士祥北上會試至正戊戌作

國家文治今百年多士商賈皆知天南宮坐試二三策能使海內無
遺賢院門晨開官燭爛白袍鵠立人三千上談禮樂祖姬孔下議制
度輕讐玄臨軒曾蒙宰相賀雲端盡見常臚傳看花或騎太僕馬錫
宴每給司農錢登朝出牧知幾輩冠佩劍舄紛相聯迩來國運屬中
圯爭慕死節羞生全潯陽老守賴汗赤山東大將竟沉淵迺知儒術
王政本至此尚賴扶傾顛諸生區區抱遺籍草萊窟亡亦可憐南方

上公境獨治虎鳴更欲興賓筵入場又手萬言就衆目一葉驚先窠
嚴裝又隨計吏發京城遠瞻北斗連秋風吹雲別酒冷枯楊淺水間
門邊君行勿亟我有語落日正在車衡懸竊聞天子正側席此去為
拜彤庭前揮毫休奏醴泉頌給札莫賦凌雲篇但當開口論世事辨
令次第宜何先坐令王綱復大振軋樞共仰天中旋我方有志未能
往矯首萬里雲茫然

謁張中丞廟

延秋門上烏啼霜鞞奴曉登天子牀江頭老臣淚暗滴萬乘西去關
山長公卿相率作降虜草間拜泣如群羊當時不識顏平原豈復知
有張睢陽孤城落日百戰後瘦馬食尾人裘瘡男兒竟為忠義死碧
血滿地嗟誰歲賀蘭不斬上方劍英雄有恨何時忘千年海上見祠
廟古宮禁木秋風荒摩挲畫壁塵網裏勇氣燁々虬鬚張巫歌大招

客○醉○酒○忠○魂○或○能○來○故○鄉○

送陶記室

馬頭交語臨長陌、我手持杯君揖策、官魂風起咽秋暉、日暮偏傷遠
行客、故鄉故人離別多、過江相見問如何、軍中莫嘆書生怯、還有能
當曳落河、

送劉冠軍

朔風吹雪復吹沙、壯士此日行辭家、酒酣悲歌和擊筑、四座離人泪
相續、黃鵠舉矣其奈何、同心遠別今無多、

送董軍容赴邊

官亭風多酒旗折、獨騎山行滿鞍雪、此時我友去邊城、不是尋常送
人別、誰憐磊落萬夫奇、豪氣却因篋內詩、乍見難留十日飲、重來定
隔幾年期、隨身一劍寒江上、遠事西平莫惆悵、汝祖曾遭布被兒、白

頭只作江都相

送張負外從軍南粵

鷓鴣啼霜海城白、誰掃行車出南陌、刀頭裝得願酬恩、知是狂遊廣
州客、擊筑悲歌斗酒前、遠隨諸將去臨邊、幕中草檄風生筆、馬上吟
詩月在鞦韆、秋聲萬里隨征馬、南北長江竟誰限、明朝若上越王臺、應
有中原陸沉嘆、

夜坐有感

一鷓不驚城鼓低、窓雨入竹暗淒淒、東隣夜宴歌尚齊、西隣戰沒正
悲啼、此時掩卷誰能問、默坐燈前對瘦妻、

宿蔡村夜起

四更雞叫七星爛、獨起開門候天旦、月掛愁邊人影低、風驚夢裡鳥
群散、孤舟發婦寒自泣、破屋老農負屨嘆、早炊欲發未遑安、客路飄

零正多難

寒夜泛湖至東舍

漁邨港頭初月上、鵝鴨不收菽、荻響隔湖烟、寺遠鐘未居、人盡歸吾、獨往寒風蕭、寒浪生、舟中欠載酒、壺行東家未宿、如相待、黃葉青、燈機行鳴。

苦寒書江上主人壁

慘節欲盡郊原空、北風五日吹沙蓬、客子東遊骨肉遠、主人賴有江、邊翁、青燈白酒同傾瀉、醉擁布衾茅屋下、中宵不敢愁、苦寒猶有窮、年遠行者。

次韻徐幼文詠雪禁體

邊城雪埋深沒、斡風旋餘花、吹酒盈、幾人折虜渡冰河、直指彎弓不、能滿、我方高枕聽蕭瑟、却喜今年瘴全洗、寒添柳院覺春遲、明透竹

窓知夜短、未成豪飲、圍翠袖、且辨清吟、呵象管、鋪庭擁路、掃難開、三日不消、應待伴、翻疑塞北雲正冷、可信江南地先暖、愁封小窗、僵蟄、虫驚折危柯、殞巢卵、林中樵絕、暮無煙、野外獵、來晨有腫、趙女依稀、舞態斜、郵人寂寞、歌聲斷、此時自嘆、少清歡、月下閑門、誰解款、小居、老客雖苦病、放曠猶能、類中散、長鬚踏凍、送詩筒、白戰令嚴、烏敢緩、開簾尚恨、不同賞、醉看帽歌、仍褫袒、祇期明日、有晴暎、遠訪梅花、須、勿懶。

次韻楊益載早春見寄

雪後西園、韭初剪、流澌脫動、春塘淺、閉門有客、抱深愁、久不題詩、視、生蘇、風塵健、見誇得意、獨坐寂寒、誰所遣、應緣少學、與時違、不習、子、刀誦文典、城中物、貴市門靜、好事猶能、具盃鬻、琴堂朝夕、共清歡、大、白頭、浮不容免、矜騎已遊、賓客醉、深夜垣扉、罷局捷、一燈留照、對床

談。泚。野。松。聲。煮。綠。萍。五。更。工。馬。子。先。去。誰。被。獨。眠。恁。日。晚。起。聞。啼。鳥。
忽。興。發。欲。往。江。邊。雲。隔。嶽。人。家。舊。燕。盡。巢。林。草。滿。長。洲。綠。遊。華。春。耕。
尺。尺。阻。歸。計。野。水。自。流。閑。漚。吹。吾。御。繁。華。天。下。稀。花。柳。村。隨。步。轉。
久。間。離。亂。今。始。見。煙。火。高。低。變。塗。發。登。臨。吹。笛。散。群。毛。此。事。空。嗟。千。
古。鮮。朝。來。風。雨。况。淒。黯。兩。濕。城。頭。旗。不。展。隣。里。衝。泥。備。役。夫。縣。官。不。
肯。恰。疲。喘。安。居。且。復。俟。時。寧。出。豈。無。能。非。退。倦。范。庄。紅。杏。幾。株。在。好。
待。開。時。同。折。梅。對。花。憂。患。不。須。言。剩。喚。一。杯。供。脚。軟。

賦我散人江村二題

臺前夜半烏啼時起望明月彈商絃月未照見臺上影松桂滿山風
露冷

江流欲漸魚不起一蓑獨釣寒蘆裏漁村空煙火微雪滿晚蓬人
獨吟

右對雪灘

之 符 史

中宗射鹿圖

諸祀玉帶虬髯怒人如真龍馬如虎英風猶借天可汗肯信昏虜困
韋武上林草綠圍呦呦飛鞞碎塵稍長楸畫旗圍合脫猶獵後庭雙
陸誰行籌追遊不記房陵辱五王謫來勢尤獨空誇大羽教無虛不
射妖狐射生鹿畫圖令人生感嗟天寶回首飄胡沙神孫早解習祖
藝不遺嗚出宮中花

趙希遠畫宋杭州萬松金闕圖

長松嶽髯若群龍下逸宮闕雲千重鳳凰山頭理前殿翠濤正涌金
芙蓉海門日出潮初上白鶴飛來近仙掌百官候綴紫宸班露滴朝
衣氣森爽漢官揚柳唐宮吃容易零落空繁華何如可獻至尊壽茨
苓美似安期瓜鑿與因戀湖山好樓閣清陰勝蓬蒿不知風雨汴陵
前虜卒新懸幾株倒當時榻前初進圖黃金趣賜聞傳呼何年流落

在人世父老猶看思舊都。客行近過吳山下，落葉空林惟敗瓦。豈無畫史似前人，秋色淒涼不堪寫。

菜適為余唐卿賦

柱桐里中君始歸，菜花滿園黃蝶飛。桔槔倚樹長不用，江南雨多山土肥。方畦獨遠看新綠，晚食何須尚思肉。翠縷登盤春韭香，金狄出盡冬菹熟。我家亦在尊菘御，秋風便應隨共嘗。匡州司戶成何事，回首空愁足萬羊。

海石同張思廉賦

大星墮水聲若吼，祖龍夜叱神羊走。誰將五色補天餘，屹障狂瀾歲年久。空憐山頭精衛鳥，身墮風波嘶不了。媧皇去後幾桑田，鰲背靈峰一奉小。

雪海為楊孟載題 楊嘗夢過海見大雪因以自號云

白鳳詞

江國黃雲閉寒節，一鳥橫啼暮將絕。聞君何能海上遊，萬頃茫茫看飛雪。人間熱惱相煩煎，清夢遠欲追群仙。鯨波無窮只飛渡，此夜不要山陰船。蓬萊玉妃下相見，白鳳踈翎吹落遍。月薄烟空看不分，拂袖時驚有餘片。清頭忽湧千崔嵬，恍疑積處高城堆。齊州遙望皆一色，却嘆此水真銀杯。瓊臺苦冷誰能宿，覺後應愁牀生粟。路斷那堪問碧桃，歌殘猶記聽黃竹。回頭弱水淺復空，飄花倏滅隨春風。迺知何者非夢幻，鷄鳴旭日初生東。

鳳臺三益圖

元集賢待制馮海粟公自號瀛洲客嘗被斥遊金陵登鳳凰臺作詩吊李謫仙好事者為圖索題之云

謫仙昔作供奉臣，詩語不合妃子嗔。鑿坡無地容侍直，錦袍未醉金陵春。金陵臺前鳳凰去，西望長安竟何處。江聲空打石城潮，山色猶

橫懸陽樹騎鯨一去五百秋、花草滿逕、埋春愁、瀛洲老客綠玉杖、嘆
頌賓客、還來遊才氣、風流頗同調、曾入金門待明詔、當年流落不自
悲、却問前人欲相吊、可憐二子遭清時、放逐江海空題詩、賴有高名
足難朽、何用粉墨他年垂、夕陽闌檻登臨後、誰復來遊、酌盃酒、履痕
寂寞、隱蒼苔、樓烏啼滿臺前柳、

儀鑾樓 淮南張架閣家舊有樓在儀鑾江上經兵燹已廢
與予會吳中乞追賦之

秋風嘗歎遠遊篇、樓中舉手招飛仙、山奔海瀾盡供覽、逸思每出孤
鴻前、雕闌一別應非昨、幾度淮南桂花落、酒酣却作望御人、那得東
歸似黃鶴、風景如今總厭看、客愁何處更凭闌、欲問日邊知遠近、尋
雲回首蔽長安、

明月舟 秦郵呂隱君題所寓之室曰明月舟蓋取甓社湖

中有明月之句也

明月非月舟非舟、問君乘之何所遊、風多浪高徧處處、日莫欲渡令
人愁、此鄉偶住淮南住、醉客每來歌白苧、夜深天黑夢神光、幾箇驚
烏落高樹、君才照國不照車、何用尚隱江湖居、嗟予未識青藜杖、願
借舟中以讀書、

約王止仲遊范家園看杏

去年春色近清明、萬匝煙花夾曉城、西陌相逢車馬問、何人不是踏
春行、今年人迷去年道、風雨不來花自掃、僧寺庭空半紫苔、侯家宅
廢皆青草、縱然無主一株存、憔悴塵沙不可論、野外日斜啼鳥散、消
愁無處却消魂、魏公園林芳塢下、聞有柔枝正堪把、休言亂後少花
看、得到花前人亦寡、明日尋君、莫違共、隨游蝶弄晴暉、閉門夢斷
江南脫、恐見迤、春自歸、

同周思義過幻住院看梅

郭西雪後尋僧院短竹穿沙水如練梅花有待我儂催十日春寒未
開遍忽思前日渡江水夜解征帆宿山縣偶逢一樹在官廨為寫新
詩冰滿視關山夢別今五年縞袂誰家月中見自慚衰亂尚飄泊淚
眼如看故人面黃昏酒醒逐寒影繞樹千迴意無倦南枝北枝亂如
雪未許東風吹一片名園桃李盡荆榛空谷獨開君莫怨重來省視
兩何如惆悵歸時有餘戀

和衍上人觀梅之作

籃輿偶出青山郭寒雪初晴凍雲薄梅花一路幾千株半發園林半
村落夜窓轉曙雞欲驚寒谷回春蝶應覺浩蕩才迷醉客魂婢娟更
伴幽人樂我來如蝶東西飛不敢題詩慙筆閣歸時落日照書屋重
覓餘馨夢難托高僧已澄法眼觀也愛一枝供寂寞便拖藜杖敲竹

扉遮莫人嗔賓客惡風雨休嗟已亂飄世間何物長如昨

和朱高士遊山之作

我謀我隱西郭西讀書坐覺長身低出門到寺終教里野水沙竹生
秋輝恨無酒舫漾落日百我行自懸青藜時危未卜久安宅幸遇勝
地須攀躋山中况逢暑雨過枇杷樹高陰滿地興來即遊興盡返迎
送豈要山僧知兩崖石根下挿水綠藤倒拂風生漪空堂朝鼓起龍
蟄高塔夜鈴驚鷓棲人生在世本為客隨意且留何必歸立嗟莫嗟
今日異城郭更恐他年非蒼苔萬事孰可問孤鳥已沒空煙霏念君
不游何所為作字寄我如張芝真娘有靈應大咲把酒豈不延題詩
秋風今朝動江浦掛席正是當年期與君一吊興廢迹荒臺古樹聞
鳥啼

次韵答朱冠軍遊城西之作

槎軒集卷之五

七言古體

送張明府之官雲間

鱸御亭前楓葉稀、讀書堆下征鴻飛、孤城迤邐秋色裏、作官自好休
思歸、扁舟晚待潮東去、琴鶴由來是家具、別意方留江上杯、離心已
掛雲間樹、如此風流一使君、文章政事更何云、絕憐退食兼祭養、不
向天涯望白雲。

送王邑長彦強

雨昏沙溆菱葭濕、離人暮逐江鴻集、煙路逶迤一帆入、縣齋明日想
秋吟、古城高樹清砧急。

欲訪李孝廉至婁江遇風而回

船頭曉日浮江面、東望青山是婁縣、尋君此去愛潮平、出浦那知風

色變、烟雲翕忽波浪湧、指尺漁村已難見、高樹巢傾鷓鴣愁、深潭窟
徙蛟龍戰、舟師披柁苦無力、帆勢如蓬幾飄轉、中流不進卻歸來、握
手何由遂初願、人生會合應有時、天意茫茫吾敢怨。

姚烈婦

城頭黑雲如破屋、車走羊門折千軸、姚家新婦亦東逃、勇姑驚惶見
女嗥、自知數口難俱免、欲渡前溪舟尚遠、嗚夫棄妾當奉親、獨赴清
流不愛身、此日誰能問南史、如婦曾書幾人死。

陳節婦

嬌兒嘯語羅幃暮、銀燭搖光夜香度、狂風忽起海東頭、吹斷蘭舟去
時路、去時豈惜千金軀、煙濤竟沒珊瑚樹、精衛寬深水更深、身小天
高向誰訴、寂寞塵奩掩鏡光、可憐不復照晨粧、階前莫剪青、草生
死終身不下堂、中素幔空時祭、賴有孤兒拜虛位、白日哀思眼不

乾夜枕還流夢中淚妾本孤桐斷作琴一絃只作一絃音逢人不奏
鳳凰曲別鶴離鸞夜之心

聽南康陳協律彈楚

我聞楚客彈楚楫功絃一揮邊馬驚鳴咽哀音動寒月正如歌發漢
軍營、中一曲還漸理想見彷徨帳中起美人掩泣壯士悲寶劍無
光黯秋水淒涼未弄梢欲終應憐歸騎阻江東蓋世英雄竟如此遺
調空留感人耳四座相逢今夜聽霜風忽來庭樹零無言有愁俱酒
醒

酬吳興沈墨翁贈墨

南朝墨法稱奚家相國謬費盈連車堆金欲沽世已少至今好事成
咨嗟潘生後出亦奇絕峨眉仙子嘗相誇紫殿曾供寫飛白玉堂每
用書官麻人問留歲敢輕試博玩正比龍團茶沈翁遠得二子妙珙

壁自美誰能瑕但徠老節燒欲盡萬杵夜搗玄霜華錦囊贈我笥在
几光恠逆屋驚早鴉一餅團、未磨缺似月食盡逢妖暮此物宜歸
大手筆濡染竹帛垂無涯上當紀頌聖功德下可論載臣忠祖我今
才薄况病退被視久棄塵生疴一朝得此復何用慙註魚豕箋虫蝦
摩挲忽動揮洒興聊吟險句追景又高堂淋漓為君掃醉污舊賜宮
袍花

京師苦寒 洪武己酉

北風忽發浮雲昏積陰慘、愁乾坤龍蛇蟄泥獸入穴恠石凍裂皴
生痕臨滄觀下飛雪滿橫江渡口驚濤奔空山萬木盡立死未覺陽
氣回深根茅簷老父坐無褐舉首但望開朝暾苦寒如此豈宜客嗟
我歲晚飄羈魂尋常在舍信可樂床頭每有松醪存山中炭賤地爐
暖見女環坐忘卑尊為飛亦斷况來友十日不敢開衡門渴來京師

每晨出強逐車馬朝。天闕歸時顏色黯如土。破屋暝作飢鶩蹲。陌頭酒價雖苦貴。一斗三百誰能論。急呼取醉徑高卧。布被絮薄終難溫。却思健兒戍西北。千里積雪連崑崙。河水踏碎馬蹄熱。夜斫堅壘以老渾。書生只解弄口頰。無力可報朝廷恩。不如早上乞身疏。一裝歸釣江南村。

賦得烏衣巷送趙子將

差、舞羽多光彩。御國初辭度雲海。江南門巷有題名。識得當年故巢在。春風三月滿京華。肯入尋常百姓家。隨鶯已過龍河柳。引蝶還穿鳳苑花。綠蕪芳草長千渚。樓閣初晴社前雨。江邊今日有離筵。留人看上橋頭語。

京師重午懷齊正幼文

去年歸鄉過重午。柳雨莎風滿南浦。白蓮閣上與君吟。遙憶徐君隔

淮楚。今年風雨又端陽。却在秦淮憶故鄉。徐君已歸若相見。應言前事一淒涼。客愁欲斷香長嘆。人事推遷古難料。明年未省又何之一杯且聽江南調。

奉遊西園 命賦二題

海山巨獸堪乘戰。番使前年遠來獻。寶纓纏絡錦襪垂。拜舞如人向金殿。仙仗時巡出鳳城。鑾輿頻駕不曾驚。有牙莫畏焚軀禍。天子

深仁愛爾生。

象

日暖啣、草際鳴。養馴未省見人驚。雲山別却嘶芝侶。來向朱闌花下行。舊毛雪白新茸綠。曾在宜春苑中畜。幾人逐走向中原。輸與吾皇稱疾足。

鹿

芥舟為陳太常賦

佑客海上誇乘風。大輪遠戾龍魚宮。帆如飛雲落天外。不假羽翼行

虛空驚濤拍山撼難動安卧每到博桑紅回頭却嘆垂釣子斷溝老
軒流孤蓬烏知達人解物表坐視大塊舟航同風輪晝夜不停轉元
氣下載浮鴻濛泰山亦與一塵等何以巨細論雌雄君今齋居那苦
小自比置芥坳堂中将身便欲入無間險語乍出驚愚蒙我聞懸珠
納萬象此事尚覺勞神功萬千毫髮盡非有幻相欲別誰能窮君行
莫鼓萬里杓天游閉户隨西東何須更待積水厚區區往問南華翁

為石城朱氏題梅雪軒

石城山居梅萬塢冒雪曾來扣僧戶爛然如見會群仙白鳳繽紛下
瑤圃數片輕吹著鬢華乍看是雪又疑花迷魂亂眼春如海那辨南
枝映竹斜獨披鶴氅穿林去凍壓寒梢應幾樹聽響方知夜灑時聞
香始識繁開處回首春風憶舊遊夢尋歸路隔羅浮年來驢背無詩
思醉踏塵埃空自愁聞道君家溪上下玉蕊瓊英巧相亞履跡誰來

東郭朝簪聳不起南樓夜翠羽驚啼莫怨猜被寒宜共一尊開雪晴
花發須相記我亦扁舟乘興來

董元卧沙龍圖

人間滴罷天瓢水歸護玄珠卧沙裏空潭白日不聞雷雲霧俄隨轉
身起誰言北苑筆意精頭角破屋將飛騰細看圖画何須恐曾謁
真龍朝太清

贈治冠梁生乞作高子羔舊樣

野人散髮秋半稀小冠宜著稱苧衣亦嘗京國被恩澤朝簪乍脫歸
田扉進賢我峨在頭上此物須當付卿相閉門方欲誦詩書煩君為
製依吾樣

為吳邑魯令賦南州野人

南州沃壤非泥塗清泉流渠歲不枯若人抱耒斬水上始志自比躬

耕徒幸逢堯舜可在野起縮墨綬來東吳一鞭不驅雨後犢兩馬已
化空中是郭西春耕布穀語柔桑綠雲連太湖下車殷勤告父老勸
耕為汝犁先扶我本野人偶叨祿向汝未忍施鞭蒲五風十雨和氣
應勿遣寸土生蒿蕪太平村落雞犬靜社飲自足歡妻孥但當相率
了官務莫勞縣吏來催租民言此令善教我斗酒祝壽歌鳴、共問
野人竟誰是堂中鳴琴賢大夫

題武昌魏孝廉所藏畫

楚山遠吐參差碧虛閣開臨繫船石沙樹凋時鄂渚秋江鷗沒處湘
潭夕閣中幽人坐讀書、聲入水驚龍魚欲吹短笛相尋去黃鶴磯
頭好待予

題勾吳韓長司所藏畫

蔡卿昔佐西安幙騎馬看山時出郭終南太華勢最高橫作秋雲掃

寥廓秦川漢苑萬里開酒醒望遠登荒臺日斜渭上歸人渡岳暗關
中飛雨來此處奇觀絕天下何事歸來猶看畫畫中小景似江南黃
葉漁村見煙舍莫戀江南真故鄉尊醺炊熟酒船香美人不是滄洲
客去去宜陞白玉堂

朱元暉雲山圖

海岳老仙非畫工自有丘壑藏胸中呵見揮洒亦莫比妙趣政足傳
家風敷文閣下圖書靜夢入空山覺衣冷起拈綵筆寫幽蹤一片飛
來楚雲影彷彿三湘與九疑翠峰猶抹二蛾眉水生江上鴻歸後樹
暗沙頭春去時蒼、遠渡連平麓烟火參差幾家屋林深谷靜斷行
人惟有禽聲啄枯木偶向高齋玩此圖斷縑猶費百金沽自緣絕筆
人間少如此雲山何處無

高彥敬雲山圖

尚書生長燕臺下、慣識風沙草漫野、何由得見山水、烟嶺雲林遠、能寫平時四海作宦遊、高興最愛江南秋、雲溪清曉剡溪晚、閑解狂纜尋扁舟、此中謝屐曾經處、半是啼鴉棲宿樹、斷橋旗下問農歸、遠寺鐘邊訪僧去、風流一改歲未遙、坐覽遺迹成前朝、何當遍覓畫中景、聖恩已許從漁樵、

范魏公手書伯夷頌為其裔孫天章題

有宋名臣誰第一、公為國家真輔翼、豐功茂烈何煌煌、信與日月爭輝赫、力扶風化成唐虞、若推志謨同契稷、平生文詞耀金石、乘暇亦嘗躬翰墨、丰姿勁直儼端人、氣韻剛方著心畫、伯夷况是聖之清、貪夫可廉懦可立、當時書寫豈無謂、要示後人為鑑格、三百年來筆尚新、敬翫如親親顏色、世間至寶誠難得、貽爾子孫宜什襲、

江上看花

兩年京師不見花、青衫白馬驅塵沙、今年江邊偶無事、狂醉爛熳尋春華、遊蜂飛蝶日妍暖、紅紫正發紛交加、穿蹊每入隣媪圃、叩門或到山僧家、漸老却無少年樂、底用簫鼓隨行車、攀條遶樹對吟詠、不忍歸去至日斜、花應得我相慰賞、似咲欲舞爭矜誇、我如無花亦寂寞、閉戶有酒誰能賒、夜來茅屋臥聞雨、曉起走看成咨嗟、飄英墮萼不可綴、餘艷只似銷殘霞、明知春色不久住、豈料便去難留遮、野鶯啼罷一回首、恨與芳草盈天涯、

長短句

題黃大癡天池石壁圖

黃大癡滑稽玩世人、不知疑似阿母傍、再謫偷桃見平生、好飲復好畫、醉後洒墨秋淋漓、嘗為弟子季少翁、貌得華山絕頂之天池、乃知別有縮地術、坐移勝景來書帷、身騎黃鵠去來遠、縞素飄落流塵緇、

潁川公子欲得之、手持示我請賦詩、我聞此中可度難、玉枕秋記傳
自青牛師、池生碧蓮花、千葉光陸離、服食可騰化、遊空駕雲螭、奈何
靈跡久闕藏、荒竹滿野啼猩猩、尋真羽客不肯一相顧、却借釋子營
茅茨、我昔來遊早春時、雪殘衆壑消寒姿、磴滑不敢騎馬上、青鞋自
策桃筇枝、上有煙蘿披拂之翠壁、下有沙石蕩漾之清漪、晴天倒影
落明鏡、正似玉女曉沐高鬟垂、飲猿忽下藤裘、浴鶴乍立風漸、
匡廬有地我未到、未省與此誰當奇、掃石坐其涯、泓洄引流危、醉來
自照影、俯咲知為誰、落梅撲香滿、接羅暮出東澗鐘、鳴遲歸來城郭
中、復受塵土欺、十年勝賞難再得、恍若清夢一斷無、由追朝來觀此
圖、惻愴使我悲、當時同遊已少在、我今未老形先疲、人生擾、嗟何
為、不達但為高人喚、漢南既老司馬樹、峴首又沒羊公碑、惟應學道
悟真訣、不與陵谷同遷移、仙岩洞府孰最好、東有地肺西峨眉、高崖
我曰、髮涼絲、傾玉醪、薦瑤芝、招君來遊慎勿辭、無為漫對圖書日
夕遙相思、

媯唯子歌為友王常宗賦蓋其號也

媯唯子、乃是軒轅之裔、虞鯨之孫、混沌既死、一萬季、獨抱大樸存、竊
伏在草野、冥心究皇墳、早逢三光五嶽之氣、乍分裂、天根下地、絃血
流渾、鹿走秦中原、蛇翻鄭國門、俎豆棄草莽、干戈歛崩奔、媯唯子
便欲東遊渡弱水、沐髮滄海朝陽盆、又欲西行溯河漢、踰崑崙、山橫
川阻、兩地俱不可以往、兮、歸來掩戶卧、旦昏、時黍一區、注醪一樽、妻
給井臼、見牧雞豚、不詰曲以媚俗、不偃蹇而凌尊、作為古文詞、言和
氣醇溫、手提數寸管、欲發義理根、上探孔孟心、下弔屈賈魂、其質耀

金石其芳吐蘭蓀、叩虛谷、有響斷、險成無痕、陸珍雜水、恠變決、弗可
論、樂年元、不肯出、坐待、真主應運、九五開乾坤、鶴書自天來、幽
隱初見拔、使者遠、造廬、雞鳴起膏轄、與綦金匱編、尚書為給劄、好魂
泣幽塚、下恐遭誅殺、書成一代進紫宸、鸞旗羽衛夾陸陳、閣門集謁
稱小臣、麻衣不脫、拜聖人、捧函近前殿、龍顏喜回春、初春內帑之
金與綺段、其文織作銀麒麟、蒙恩乞還家、以奉白髮親、練圻草堂東
海濱、序袍芒屨烏角巾、自號山澤之臞民、媿唯子、幸際明良時、無為
寂寞坐、老東海、湄青丘、有客執且癡、與汝共結同襟期、左鼓清琴、右
吹鳴篳、作歌共祝、天子壽、五風十雨、萬國赤子同熙、

書夢中

夢行塞下沙、無水無蕪葭、牧羊人歸霜草短、平地鴈群棲不暖、騎馬
深、入遠煙、一行衝起上秋天、我夢驚回鴈飛去、角聲吹斷江城曙

聽錢文則琴

古樂久不聞、古器亦殘缺、惟有朱絃琴、韻與箏瑟迥殊別、此夜聽君
彈、四座寂不喧、古人有遺恨、似向絃中言、初調乍冲融、再弄忽悽惋、
秋猿春鳥相間啼、夢繞瀟湘碧雲遠、怒濤勢出峽、崩石轟奔雷、漫流
入滄海、悠然去無回、銅瓶一墮井、汲引不可上、離車軌、曉出關、欲
行未行苦惆悵、夜深庭樹風、雨驚恍疑鬼神入、蒲城涸、更響靜、月照
席、玉壺凍、破冰崢嶸、我心正如水、萬籟不到耳、無端聽此聲、双淚迸
落、百感生、起請且莫彈、胡茄、文姬思家意、咨嗟請莫彈、履霜、孝子在
野、愁彷徨、願君拂拭登高堂、先彈南風後文王、美哉大雅聲、洋洋、使
我坐聽憂俱忘、

約王汝器看梅

君莫憶東閣吟、我莫憶西湖見、兩地年來信不通、塵埃正滿春風面、

不知山中三日雪、掩扉倚竹斜倚愁、娉婷讀書屋、空滿梁、月夢斷、冷落留餘馨、相尋定有迎、船鶴煙霧籠、寒縞衣薄、一尊好共暖、花魂明日關山笛中落。

清冷閣為陳協律題

臨清池、敲華閣、明月入綺疏、微風颭羅幙、白波連遠洲、竹冷芙蓉愁、客聽秋聲起、魚驚星影流、冰絃彈罷鷓鴣曲、天河墮水涼宵促、試問西園閣上遊、何如南浦舟中宿。

雪齋為述僧賦

君不見韓刺史、疲馬度關愁欲死、君不見党將軍、美人擁帳飲正醺、憔悴豪華兩何有、世人徒勞競奔走、雪深三尺坐寒龕、誰似西齋衲衣叟、開門一咲定起遲、虛空大地皆春熙、松梢一片忽墮響、夜靜山空人不知、此地應憐無熱惱、尋梅莫若尋詩好、便穿蠟屐踏瓊瑤、曉徑從理不須掃。

徑從理不須掃

謝海雪道人贈張仙像

我年已及壯、吉夢未兆態、雖有三女見、豈足慰乃翁、每聞隣家子、夜兩誦經史、起坐秋燈前、顧影長嗟不能止、道人念我書無傳、畫圖卷贈成都仙、云昔蘇夫子、建之玉局禱甚虔、乃生五色兩鳳雛、和鳴上下遂與夫子相、照翩勸我勤禮之、當有明珠出深淵、我感到人意、捧觴拜其前、君不見東家翁、力耕積多田、平生辛苦立門戶、兩兒棄擲如浮煙、惡兒亦何須、願得一子賢、上以承吾宗、下以與我玄、仙乎有驗看明年、請君更賦懸紙篇。

題滕用衡畫

滕君興在煙霞間、遠遊十年今始還、畫圖示我有層障、竟似何處之、名山君言我初適、東越酒船橫渡鏡湖月、醉詠謫仙天姥吟、海光欲

曙清依歌、瑤草春已生、便入金華行、道逢牧羊兒、疑是黃初平、從此
西遊楚江水、大帆如雲掛空裏、枕樓釀酒喚長風、一日看山一千里、
不聞東林鐘、但見香鑪峯、波迷洞庭淵、樹隔滿湘重、白沙翠壁經過
好、就中幾度曾幽討、麻姑壇上掃落花、堯女祠前薦芳藻、脫畧湖南
逢鴈回、登臨長詣定王臺、天從朱鳥峰頭轉、江自黃牛峽外來、蒐奇
歷險今應倦、默坐舊遊空教遍、時向明窓看此圖、好山一、皆重見
我聞君言自嘆嗟、身如處女愁離家、閉門讀書無半車、解肉漸生空
髮華、牀前塵土蔽雙履、何不著之踐苔石、幸逢 盛世道路平、五嶽
尋真皆可適、便當往抱綠綺彈、松風行盡萬壑千巖中、仙書探得金
匱空、歸來誇君重相逢、握手一咲吳門東、

贈鍛師劉生歌 嘗為李鍊師製三隅鉄到藥刀求謝此

君不見區冶子、金鑄魚腸照吳市、君不見徐夫人、藥淬匕首驚函秦、

奇鋒當年非不利、氣奪秋雲愁白日、伯圖恃此竟無成、良冶徒為殺
人器、何如劉生獨採昆吾鋼、大爐夜鍊騰虹光、神鍼妙刃兩如水、提
出二豎皆奔藏、利物之功有如此、特為醫仙起人死、囊中長得伴刀
圭、海上何須刺犀兕、我看十年太白西方明、銅山尋鑿兵縱橫、幸逢
聖人生、干戈戢四海、清爾生、但制此器、勿制兵、民無疫癘歌太平、

釣臺歌送嚴陵徐尊生太火回

羊裘翁遺釣臺、蒼翠兩相向、勢壓千崔嵬、峻巖峭壁聳雲表、決、桐
江流遠、其下徒喧飀、清風在翁振千古、唾視軒冕浮輕埃、心懷高潔
猶可親、時吐片月峰頭來、先生當代詞林載、筆有良史才、不展調元
手、居謁台、却思釣臺亟歸去、胸襟洒落何如哉、胸中之樂何如哉、

五禽言和張子宜水部

泥滑、啼空山、行人愁、道路難、高天浮雲自多雨、人不知、還空、

9 提胡盧、趣沽酒、杏花村中媪家有君如不飲過却春此鳥枝頭應咲人、

● 郭公郭公天寒水空朝飛暮宿薰葭中薰葭中啼不息千載魂應怨亡國、

○ 婆餅焦、婆去餉孫田壘遙、隴頭小麥穗已搖、但願好收食自饒、爾莫憂婆餅焦、

9 脫却破袴、脫却破袴、溪深無船須涉渡、亦思脫舊復換新、春機已空愁殺人、

槎軒集卷之五



國家圖書館, NATIONAL CENTRAL LIBRARY, TAIWAN, R.O.C.

槎軒集卷之六

五言律

酬余左司

門巷接垂楊，同鄰忘異鄉。
兒親欲見熟，僕立厭言長。
讀借風床簡，炊分雨碓梁。
亂來成久別，能不為情傷。

答倪隱君

雲林已白頭，猶有晉風流。
愛寫滄洲趣，閒來玄館遊。
茶烟秋澹竹，雨暮倚、欲向南溪水。
長流清翰舟。

雨後飲西園

晚酌櫻桃下，歡來不奈春。
那知醉後客，猶是亂中人。
雨霽飄還絮，花寒破未勻。
江臯舊遊處，回首莫沾巾。

次韻陳留公見昭湖上行北之作

湖陰巡壘罷，緩服上仙舟。景好看宜晚，詩清賦為秋。葉應隨鳥散，山欲趁波流。亦有東遊興，空憐未得酬。

送人戍梁溪

沙寒馬屢嘶，曉度錫山西。古壘殘兵衛，荒田健婦犁。雨多弓力軟，霜重鼓聲低。路近非邊塞，香閨莫夜啼。

題僧山居圖

行負具多書，青山別舊廬。札尋安土避，負借破庵居。吟苦非愁裏，禪癯似病餘。思歸休看畫，來去盡空虛。

答陳邦度客懷

同患君尤甚，時難覺意真。愁邊長夜雨，夢裡少年春。遊遠荒家業，交疎困路塵。一杯歌短調，誰聽不沾巾。

和王止仲夜坐

池暝花如霧，蒼、月照開。梁空雙燕宿，簾暗一燈來。兵散誰家笛，人違此夜杯。如何對清景，愁思却相催。

亂後經婁江舊館

此地昔相依，重來事已非。新年芳草徧，舊里熟人稀。遠燕昏棠樹，閑花自擁扉。遺踪竟難覓，愁步夕陽歸。

鵲軒

金華朱少府生時，有鵲集於庭樹。後每歲生日，輒來其母濱。沒鵲為悲鳴，久之而去。因名軒，識思母意云。

神鵲曉鳴枝，飛來自有期。門前懸矢日，堂上捧樽時。詎信填河事，寧歌繞樹詩。只憐君望斷，風木助悲思。

雨篷

楚雨滿汀洲，滿、酒客舟。夢驚孤枕夜，愁掩一窗秋。葦葉寒相戰，灘

聲暗共流、此時湘浦上、同聽只沙鷗。

溪山小隱

何處溪山隱。衡門對野橋。脫風携鶴子。春雨種魚苗。小徑斜通竹。疎籬曲護蕉。人生閑自足。不問楚詞招。

一窓秋影

倚竹與疎桐。秋陰接桂叢。並生金井側。同映綺疏中。隱匿總籠霧。交橫忽颯風。不須懷故館。月落併成空。

聽秋軒為僧賦

翔澗海濤起。飄飈入定鐘。夜任蕭蕭聽。抄萬葉下亭臯。初訝來山雨。還

飛燕

雙飛如閨捷。終日幾西東。尾拂花梢露。月翻柳絮風。入簾時趁蝶。歸

壘每嘶虫。何處長相見。佳人院落中。

流螢

熠燿復青熒。流光不自停。暗飛如避月。遠墮欲隨星。穿樹臨幽檻。緣莎集小庭。莫將羅扇撲。囊取照遺經。

水殿圖

波影繞闌干。清虛似廣寒。荷香臨檻地。月色捲簾看。夜靜聞清吹。涼多却素餐。宴酣思薦鱸。銀燭簇金盤。

簟

蠻藤巧織成。乍展覺涼生。紋蹙寒波細。光搖夜月明。坐令葵扇棄。眠稱石床平。須信南軒下。炎天夢亦清。

扇

皎、復團、何人剪素熟。驅蛺臨几席。撲蝶近闌干。似見鷺朝見。生

風變夏寒時。移晷日。棄莫怨。網乘鸞。

新荷

如蓋復如鈿。初生雨後天。葉低浮水面。莖弱裊風前。乍覆遊魚戲。難
藏宿鷺眠。佳人休便折。留陰採蓮船。

新啤

翻、乍離脫咽、試初鳴。隔葉棲身穩。移柯忍意驚。亂催窻日墮。微
喚浦生風。何待當秋聽。今朝已感情。

池上晚酌

夕陽初雨過。團扇送涼過。竹裏方歸鳥。沙邊尚浴鵝。脫巾懸峭壁。流
聲逐迴波。六逸當年樂。何如此處多。

林間避暑

自愛巖藤滑。閑舒卧石苔。松風催暑去。竹月送涼來。石氣生琴薦。泉

香入茗杯。却憐行路子。愁眼尚黃埃。

晚坐南齋寫懷

鴈過南齋暮。魂消默坐中。賤貧長作客。愁病欲成翁。窻酒侵燈雨。庭
翻走葉風。山妻猶解事。未遣酒樽空。
歲景看垂暮。羈踪嘆屢遷。有身能去俗。無術但論天。菊老江城酒。床
寒客舍纒。愁中還一咲。見女滿燈前。

送宋醫士徙居江上

詩瓢與藥囊。此伴即行裝。跡隱名猶在。交親意不忘。別雲縉舊帙。嘗
草試新方。春水孤舟起。還來問竹房。

送劉省郎出佐邊郡

符券前軍重。衣冠上客才。地圖連異壤。星次出中台。暮雨車投峽。秋
風扇却埃。省中梧樹在。鳴鳳會重來。

微恙江籍作

寒燈坐江籍。愁逼歲闌珊。苦恨應催老。微病似忘閒。雞前星列屋。鴈外月臨灣。明日將求藥。身猶懶入關。

陪客登陶丘

相逢俱失意。此地偶同遊。獨樹邀人去。斜陽為客留。依村煙景久。近水竹聲秋。設有歸歎歎。何山是故丘。

過戴居士宅

江邊戴顓宅。地好恁幽尋。高樹藏半屋。新篁補舊林。鳥成留客語。雲作護花陰。不負滄洲約。重來論夙心。

分韻得船字

葭林初結夏。東去又飄然。罷說天台講。行參靈寶禪。殘經林下几。遠磬月中船。不用空悲別。歸今絕妄緣。

分韻得到入謝醫

舊時明堂像。新圖大火書。脈成於治內。穴試在岐餘。摩挲年空老。求仙事亦虛。若懷濟人意。為此竟何如。

雨中飲陳卿宅。聞丁二卧病客樓。試此寄慰。

我醉聽歌後。君愁卧病中。山雲秋郭暗。江雨夜樓空。短燭知頻剪。清樽恨不同。題詩非撒手。那得愈頭風。

師山周伯常久客淶上。因繪舊隱圖索題。

幾年留客舍。千里念家山。得向圖中見。猶勝夢裡還。菊畦經雨廢。薜屋帶雲關。楚奏無窮意。相忘賴此閒。

溫浦琵琶圖

秋夜相逢處。聞愁謀宦情。四弦風共拂。兩棹月同明。司馬青衫濕。佳人白髮生。至今溫浦上。楓葉尚哀聲。

金人馬圖

名王愛遊獵，初試射鵰弓。白草秋原曠，黃沙晚塞空。琵琶應漢女，腰裏是胡聰。歸醉葡萄綠，穹廬在月中。

馬

名駒產渥洼，牽出萬人誇。逸足輕千里，高髯散五花。城南遊紫陌，塞上踏黃沙。不受蠻奴策，驕嘶向日斜。

鷺

雪羽獨脩，閒情戀遠洲。聲沉烟浦晚，影度月灘秋。避棹驚時起，窺魚立未休。蕙葭同夜宿，應只許沙鷗。

漁樵耕牧各二首

浮生何處好，只在水雲鄉。柳起鳴秋月，綸收向日陽。蓑蓬風夢熟，銅斗醉歌長。不是烟波樂，那能與世忘。

泛泛蒼波裏，全家寄一船。曾來屈澤畔，或到孔壇前。蓑帶春江雨，柳鳴晚浦煙。得魚尋水店，換酒不論錢。

山中朝佩斧，遠路入煙蘿。伐木驚禽起，穿雲畏虎過。石根供倦憩，谷口應高歌。莫看仙人弈，歸來恐爛柯。

慣識山中路，崎嶇每獨尋。穿雲衝過虎，伐樹散棲禽。斧礪溪邊石，衣懸谷口林。逢仙休看弈，甲子易駸。

春郊起東作，耒耜出柴荆。柳下烏犍健，桑間布穀鳴。家人供遠餉，剌史勸深耕。已卜豐年候，朝來好雨晴。

江皋聞布穀，荷耜出柴門。春暖烏犍快，朝晴綠樹繁。深耕行別隴，待髓望前村。自得龐公計，遺安與子孫。

自誇黃犢健，登壘共揮鞭。遂弄將斜日，裝坡欲斷烟。歸鴻流水外，踈樹舊庄前。應笑侯門客，騎驢走歲年。

一箇去時，平郊綠草長。但知牛背穩，應嘆馬嘶忙。度隴衝朝雨，歸村帶夕陽。相逢休挾策，回首恐亡羊。

隣家桃花

春色東家出，相窺似有心。曲垣遮自短，別院閉還深。影動疑人折，香瑤妬蝶尋。好風時解意，吹片拂羅襟。

櫻桃

紫紅映圓紅，枝頭的、同。熟迎梅實雨，落盡柳花風。美女在偏稱，流鶯啄未空。憶常春，薦後捧，賜出深宮。

梧桐

井邊雙玉樹，高結自生涼。影散秋雲薄，聲喧夜雨長。疎英飄碧蘂，亂葉響銀牀。綠綺誰能斷，待將春鳥呈。

寄沈達卿

風雨清明後，春寒尚袂衣。閉門聽鳥盡，入寺看花稀。獨酌愁難去，相思夢欲飛。艱難事，數見情事，都歸一箇。

夜起觀月

二月春多雨，今宵月始明。窓間幽夢覺，起憶故園行。露下花微委，烟中鳥忽鳴。誰同賞清景，惆悵倚前楹。

曉晴東臯步眺

江明片雨收，樹暗一村幽。籬落疎麻長，田畦曲水流。禽聲初變夏，麥氣欲成秋。開步看時物，今朝散旅憂。

逢李正水道人

吹簫月滿舟，何處昔頻遊。后土瓊花觀，仙人黃鶴樓。別來應未老，道在復何求。相見俄還去，江城楓葉秋。

送吳縣陳令遷松陵

山縣彈琴罷。江城露冕初。夏霖湘水潤。朝日市長虛。柳下催耕鼓。桑
間問浴車。秋風莫思去。客籍有鱸魚。

寄題崇明學中天心水面軒

夜氣虛明際。齋居息衆喧。詠餘風度瑟。坐久月當軒。雲蓋無留意。池
清有活源。心知此時在。欲論竟何言。

贈呂劉二醫師

藥院允清朝。相生積券燒。求真遊嶽遍。訪病出城遙。取穀寧煩僕。尋
苓或伴樵。世方多內熱。一匕獨能消。
君有抱朴意。高齋長晏如。壺中仙徒酒。投紅神農書。蒸木晚烟裏。新
苓春雨餘。起疾多傳破。慚予才計疎。

園棗

偶與消閑客。園棋向竹林。聲敲鶴夢局。罷轉桐陰。對坐忘言久。相

攻運意深。此間原有樂。何日摘中尋。

射柳

風暖畫旗張。將軍集射場。馬驕懸纜急。人勇喜弓強。但見青條折。那
知白羽翔。三軍歡咲處。巧中勝穿楊。

王宅五月菊

秋英忽夏發。宛在阿戎家。細認驚初見。高吟喜共誇。不依寒竹雨。欲
映午榴霞。我意甘遲暮。尊前有此花。

夏景園廬

門掩一齋空。幽懷獨坐中。本同趨府客。偶似灌園翁。魚闌萍池雨。蟬
嘶柳巷風。未須論風志。聊復去樊籠。

晚霽獨酌南樓

倦客豈遷客。故鄉非異鄉。鱸肥蓴菜紫。鴈到柳條黃。湖濶已秋雨。樓

高猶夕陽登臨何必賦把酒據胡床

中秋宴集得紅字

香霧夕涼。孤高桂樹東。影疎林際月。涼近水邊風。重露流杯綠。繁
星亂燭紅。明年江海工。高會有誰同。

書曹谷才世訓後為其子李常作

綠野高人策。清門舊相家。篇章存小露。翰墨走龍蛇。作戒言惟切。貽
謀歲已賒。過庭雖有訓。得與共傳誇。

贈東庵道者

雙樹夾成戶。一溪流繞家。掃林留迸笋。汲水帶浮花。經勸里人讀。藥
從山客賒。已無喧癖念。默坐對鳴蛙。

過劉山人園

欲問幽棲處。花蹊逐澗迴。夕煙羅幕卷。春雨藥房開。野鶴知琴意。山

峰給酒材。城中少聞客。誰解引車來。

次韻楊禮曹後疾之作

養疾深扉掩。還應謝俗交。鳥多風和語。葵晚雨纖芭。印向閑廳鎖。鐘
聞近寺敲。相思愁莫道。高樹古城坳。

江上見逃民家

清時無虐政。何事竟拋家。隣叟收談犬。途人折好花。林空煙不起。門
掩日將斜。四海今安在。歸來早種麻。

悼女

保養常多闕。艱難愧我負。悽悽臨歿語。的的在生親。遺佩寒江月。殘
燈夜室塵。中郎他日夢。留付與何人。

見歸鴉

啞々噪々暉。爭宿不爭飛。未逐冥鴻去。長先野鶴歸。荒村流水遠。古

成澹煙微。借問寒林樹。何枝最可依。

宋迪夜歸圖

落日下嵐嶺。行人途已稀。隔煙望田舍。映水掩荆扉。鳥亂夕林暗。草
多秋迢微。家人應候我。買飯郭中歸。

華瑩芝檜圖

誰指牛眠處。江山地最靈。氣鍾孤檜碧。祥表五芝青。影動春雲亂。香
敷曉露零。知君家種德。曾讀墓前銘。

送周履道入郭

離群方感愴。况復與君違。花隱歸城郭。風吹渡水衣。須知喧寂異。莫
訝往來稀。今夜空齋雨。誰憐獨掩扉。

兩齋獨坐寫寄友

動與世相方。端居學坐忘。雨來池上樹。煙起竹間房。屋鳥非晴弄。闌

花是晚芳。尋山期已阻。遙望奈蒼蒼。

次韻酬西園公

林驚綠樹風。池響金萍魚。月戶雙石落。風亭一簾舒。體便清夏健。髮
映早秋疎。本自無愁事。何煩酒破除。

聞鄰家琵琶有感

清唱合琵琶。當年碧玉家。弄殘催酒急。抱重向燈斜。久別愁江樹。重
聽隔院花。淚多思舊事。不是客天涯。

書王生扇

素質粉藤光。蒲葵詎可方。當懷驚抱月。洒面怯沾霜。宜助驅蛇用。羞
隨走馬狂。過時甘自棄。不忍井梧黃。

送胡銓遊會稽

山水獨行徧。蒼溪仍刻溪。衣逢新火減。舟渡雜花迷。黃絹尋碑讀。紅

裙賭雙瑋，蘭亭舊基在，觸咏竹新題。

送陳少府赴嘉定

兩歌桑陰路，爭迎甜憶車。潮多田水滿，城小井烟疎。夜戶猶聞犬，春
濤欲上舟。期君布新政，去卜海濱居。

報恩寺送將王簿就送還如皋

貪語酒寒頻，新年見故人。別時煙寺晚，歸路雪江春。造次燈前面，蒼
茫船上身。明朝楚花發，莫歎縣廚貧。

贈張省郎

漢署蚤為郎，長遊鳳沼傍。難知壺水候，馬識火城光。每載趨曹筆，時
熏直省香。邊書無一羽，冠蓋日翱翔。

贈姚東曹

爐氣拂春衣，何曾直省闈。相門符節重，計舍簡書稀。夜直聽鐘度，晨

朝策馬飛，共憐玉掾少。粉署有光輝。

分題乾門送陳博士

程廟儼王宮，重闈肅衛同。儒官總內外，武仗列西東。乍啟鳴鐘始，將
高徹俎終。莫言牆數仞，還有此堪通。

寄杜進士

花開寄別難，花落正相思。交誼多年見，鄉愁近日知。我方淹上國，君
豈老明時。試問江干閣，同登復共誰。

鍾山雲霧圖

山勢識龍蟠，青巖擁翠巒。草堂猿嘯晚，蕙帳鶴驚寒。雲擁梁僧塔，苔
封宋帝壇。昔年遊歷處，今向畫中看。

立秋日

碧天收夏色，節氣變清商。暑日今宵伏，風從此日涼。金莖初有露，玉

NATIONAL CENTRAL LIBRARY TAIWAN R.O.C.

氣未成霜。曉日并淒雨。潛催草木黃。

冬至夜雨中

節序閑何事。徒令百感生。升沉當世事。存歿故人情。寒在微陽氣。風疎緩漏聲。他年說今夜。聽雨宿南城。

晴月廿四雨中夜坐

不興負後歎。每動醉中吟。涉難知天意。居閑長道心。鴈聲隨雨到。鶯色與年侵。獨想平生事。蕭然坐夜深。身退惟宜靜。謀疎且任真。樓空三日雨。書亂一床塵。立隴多良友。江湖獨放臣。莫嗟年景暮。轉眼是新春。

追輓恭孝先生

閑浴遺風在。河汾舊業傳。書攻嚴簡後。易突出圖先。曉禁辭持索。寒廳戀坐擅。臨危誰復似。身與勅俱全。

漢

北闕書空上。東川教自陳。可當衰亂日。復喪失成人。堂靜懸魚絕。墳荒下馬頻。傳家欣有子。執筆際昌辰。

悼故顧宜人

避亂應千里。悲孀復幾年。塵埃初嫁鏡。雨雪未歸船。有子隨行旆。無人與葬錢。東蜀何處吊。衰草暮江邊。

哭張冠軍盡節

倂擾可懷驚。胸中自有兵。鼓行嘗奮力。邦社詎圖生。為將原縣福。徒儒不負名。空遺佳句在。擲地作金聲。

排律

輓南陽宋尚書有引

尚書嘗以直忤權臣。退老外郡。子仲吉侍中。有旨起公為叅知政事。兼賜上尊法醢。使仲吉嚙命。歸授之。至家而尚書已卒。葬會

稽之巖山

每憶清朝盛，尚書直禁闈。沃心敷善奏，折角挫強威。未盡登賢用，空聞謝病歸。十年遊客散，四海老臣稀。才子恩初被，明君念不違。翔鸞綾誥下，還騎玉壺飛。欲壽升堂酒，先沾拜冢衣。紫微星莫入，青籟露何稀。存歿人多感，安危孰可依。猶憐巖山下，雙表有光輝。

送唐郡守

要郡資良牧，雄藩輟望郎。鑄龜懸帶下，畫隼建車傍。別從山沉景，來遲野駐芳。護耕嚴遠候，聽訟敞新堂。城合春溪綠，湖連夕霧黃。君知尹鐸意，此去莫相忘。

送高郎中

雙騎出前驅，爭看壁在車。初離中侍幙，復接合人廬。緩也春宜酒，墟氛夕戀裾。同官聯劇佩，侍史直圖書。雲氣通高閣，花陰宿廣除。省中

詩滿篋，知是秉綸餘。

送周檢校使高麗

東望玄菟境，孤帆有去人。未容辭遠使，方要接殊隣。乞水從山媪，占風問海神。王庭依舊障，估市集遙津。地作先朝俗，花同內域春。煩君修誓好，玉帛自茲頻。

送高麗貢使還國

鳳闕層霄上，菟城積水東。大君方啟運，絕域盡朝宗。錫命分青土，趨班列紫宮。船歸曙出日，帆掛候西風。雨露何沾渥，華夷已混同。聖心非悅貢，惟念遠人忠。

焚香

艾納山中品，都夷海外芬。龍洲傳舊採，燕室試初焚。奩印灰縈字，爐星玉鏤文。乍飄猶掩冉，將斷更氤氳。薄散春江霧，輕飛曉峽雲。銷遲

憑宿火度遠托微薰。著物元無跡。游空忽有紋。天絲垂裊。池浪動
泛。異馥來千祀。祥霏却衆靈。嵐光風捲碎。花氣日蒸醺。燈地宵同
歇。茶煙午共紛。寒帷嫌放早。引七記添勤。梧影吟成見。鳩聲夢覺聞。
方傳媚寢法。靈著辟邪勳。小閣清秋兩。低簾薄曉曛。情慚韓掾。思
記魏王分。宴客留鷓鴣。招仙降鶴群。曾携朝罷袖。尚記舞時裙。囊稱
縫羅佩。簪宜覆錦熏。畫堂空擗柱。素壁漫塗雲。本欲參童子。何須學
令君。忘言深坐處。端已謝塵氛。

詠夢

的、綠愁得、濛、與醉和、輕隨雲浩蕩、暗越嶺、嗟峨、夜店嗟、隔短春
閨想最多、關山歸、識路、江渚去、凌波、梁落中宵、樓橫欲曙、河、隔、簾
休警、鷓、近、燭、任、飛、蛾、遊、遠、寧、煩、載、穿、深、豈、畏、訶、寒、驚、瑤、作、障、暖、戀、錦
成、窩、蝴蝶、誰、家、信、鴛、鴦、別、浦、歌、靜、嫌、風、動、竹、鬧、怯、雨、鳴、荷、寂、歷、窻、局
綺、低、遲、帳、捲、羅、知、情、惟、枕、共、送、恨、忽、睡、過、縞、袂、香、猶、在、朱、弦、字、不、磨
記、來、還、彷彿、尋、去、已、蹉、跎、宿、燼、芳、餘、麝、殘、粧、暈、淺、螺、憂、歡、情、總、幻、離
合、事、皆、訛、池、上、吟、夢、草、庭、前、覓、舊、柯、既、因、思、是、種、復、念、睡、為、魔、易、斷
俄、如、此、難、憑、竟、若、何、陽、臺、莫、重、問、千、古、咲、巫、娥

戲嬰圖為人題

芍藥風、蘭、側、梧、桐、露、井、傍、嬌、嬰、爭、脫、戲、少、婦、闌、春、粧、共、詫、珠、生、蚌、還
憐、玉、產、岡、半、披、文、錦、祿、斜、佩、紫、絃、囊、額、髮、歲、誕、短、胸、肥、細、膩、光、庭、前
王、氏、子、陌、上、衛、家、郎、弱、草、身、眠、軟、芳、英、手、弄、香、隨、人、貪、作、劇、避、伴、學
迷、藏、莫、撲、花、蝴蝶、宜、為、鸞、鳳、塗、添、雲、母、粉、添、試、水、沉、湯、麟、送、徐、卿
完、蘭、生、謝、傅、堂、愛、均、看、穩、好、年、並、比、誰、長、驥、種、難、難、匹、鷓、雛、已、作、行
欣、君、得、此、畫、真、是、夢、態、祥、

槎軒集卷之六

槎軒集卷之七

七言律

秋日江館詠懷

十年世事漸多更。自歎而今豈復生。未有佳兒書謾讀。既無俗客酒頻傾。煙生遠塢聞鷄唱。潮落平沙見蟹行。秋後思歸凡幾度。夕陽江上望高城。

和蔡參軍

擊筑無人識漸離。客依孤館獨淒其。著書未解成新語。把劍聊因覓舊知。燕塞風多寒水急。梁園雪早凍雲痴。年來只念江東去。下馬碑陰看色絲。

寄余左司

何處吹愁角一聲。大江東岸呂蒙營。天隨流水流去。月共長庚耿

耿明。虜意有圖秋暫息。客魂無定夜還驚。欲陪醴酒樓船坐。借問風潮早晚平。

聞家兄謫壽春

別來未省去何投。書到方知謫壽州。覽俗自堪傷遠抱。聽音誰解釋羈愁。長淮波浪應愁渡。故國江山只夢遊。莫有萬回飛往術。魂消空望楚雲秋。

送廣陵成居竹先生之雲間字元章詩人也

失別燕城每自哀。移家新向讀書臺。遠人願表求詩去。故友京華寄字來。亂後識翁嗟已晚。衆中憐我愧非才。建安大曆遺風遠。尚藉揄鉤一挽回。

次韻倪元鎮見寄

老來詩陣尚堂堂。過宿曾留讓大床。病驥可堪淹遠道。孤松只合在

高岡蕭蕭塵髮驚寒色。渺渺雲山歛夕光。莫道欲歸無好處。便尋勾漏與華陽。

次韻俞士平見懷

一棹滄波兩鬢絲。豫章老客苦相思。作歌幾日空招隱。載酒何人為問奇。吳苑舊遊山色在。楚江歸夢月明知。莫言別後音塵絕。長倚東樓憶紫芝。

寄錢唐方負外以常

尋常此別事難同。不意音書得再通。君病尚留多難後。我吟方向亂愁中。殘煙廢郭山猶在。落日空城歲欲窮。借問西湖舊梅樹。如今還剩幾多叢。

寄海昌李使君

海上波濤夜不驚。使君雖老尚能兵。荒烟白鹵家龜。落日黃岡處

處管入雜。豈夷羊。小布潮隨山雨入。孤城明。朝硤石峰前路。我欲停車聽訟聲。

答薊丘聶才子

聞道詩狂復酒狂。少年鞍轡鬧輕粧。百金已醉名姬館。一刻還登俠士堂。雞唱夜驚吳苑月。鴈來秋帶薊門霜。亂餘零落無人識。今日相逢向路傍。

送宋孝廉粹親歸南康

長揮客淚楚雲東。故國江山一戰中。遺櫬十年嗟未掩。歸舟千里喜終通。遠途敢避風濤險。舊廬應知草樹空。料得南岡廬宿處。夜深猿鳥泣西風。

送陳博士歸南海葬親

朝來泣罷廣州書。別我將行萬里餘。親骨未歸新家葬。僕情猶守故

坊居月明橋轉隨烏鳥。兩暗燈移避鱗魚。此去定知難重見。海天南望渺愁予。

送秦司訓海上省墓

亂離何處訪遺阡。暮雨東歸近海邊。寂寂野棠閑照墓。依依椰樹遠迎船。門生舊解題銘石。縣令新能給祭田。此日誰無丘壠念。送君還詠白華篇。

送顯上人還天屏山

古寺秋深乞食回。尋鐘遙入亂雲堆。損知夜定啼應歇。驚聽朝談到不猜。對日衲衣連葉補。盛囊詩句向僧裁。他時半偈重相問。林閣應開候我來。

張思廉退居江上

東望歸鴻江水邊。客愁應獨上樓眠。春陰半月滿。雨晚色孤村。渺

渺煙君去尚存酬國劇。我來未覓載家船。舊遊莫問長洲苑。寂寞鶯花正可憐。

過張子宜林居

清和池館閉閑宮。輕憶尋幽觸雨來。井桁水聲繩乍轉。林屏山色畫初開。穿花百舌深緘口。吹絮雙鱗淺露腮。好賦一詩題壁去。主人未肯便塵埃。

早春寄王止仲

江水江花只自春。不知容易解愁人。山川寂寞衣冠淚。今古銷沉簡冊塵。草草逢人空識面。忽忽為客莫容身。十年憂患誰相慰。賴得君家是近隣。

答余唐卿見寄

雪晴稍見花枝。書閣朝眠日影移。酒到好懷傾輒盡。詩逢高韻和

應遲今朝閑。豈尋春得前。夜愁因送客。知走馬南園。芳草綠。憑君莫問少年時。

客舍寒食次周履道所寄韻

寒食江頭客未還。獨臨流水見愁顏。故園芳草斜陽外。空館落花細雨間。亂世求因難自笑。少年當路竟難攀。主人莫折門前柳。多病無書倦入關。

次韻金德儒送弟往海工

小陸賢如大陸賢。亂離為客最堪憐。橫經海上知虛席。打鼓津頭看發船。麥氣晚晴田雉闢。蘆香春暖野鴉眠。明朝度斷生芳草。風雨孤舟過練川。

荅呂志學見寄

一罷滯房看竹期。行吟何處復相隨。烟波遠渚難尋路。風雨孤窓忽

送詩故舊誰非。嗟別者。鄉園同是憶。歸時莫。孤館春風落。且向江干避亂離。

和楊孟載見贈

殘雨偷。映彩虹。憐君獨咏楚。臺風遠。江帆影。秋蕪外。故苑枯。綠脫樹中。壯歲漸如辭。帳燕。閑身猶似。靈。雅音自古無。能好。莫向人誇。瑟最工。

首春感懷

初春風日自妍華。客意登臨只感嗟。陌上鶯聲隨去馬。城邊遺柳斷。栖鴉亂。未。未。竟。無。兵。地。愁。在。空。思。有。酒。家。咫尺苑西誰。解。開。早。梅。還。發。去。年。乾。

挽程孝廉

壯志蹉跎為亂離。蒼天不許見清時。樓前鶴去飛雲遠。墓上人來宿

國家圖書館 NATIONAL CENTRAL LIBRARY TAIWAN R.O.C.

草衰親老還揮思子淚。弟愁長詠哭兄詩。兩年頻送交游致。不似夫君最可悲。

暫宿行營舟中

薰葭霜露冷侵船。落鴈驚烏掩未眠。戍卒獨明高柵火。居人同宿廢村烟。醉中遠夢欺長夜。亂裏窮愁折少年。莫問閑身何到此。久思提劍學防邊。

角聲未起大星低。夜靜寒營獨馬嘶。樹葉蕭蕭霜後蝶。河流汨汨霧中堤。三軍睡枕誰能穩。孤客歸舟自欲迷。起望此時憂更切。邊烽不隔遠峰西。

過海昌贈李鎮禦

海上觀風逐使車。將軍雙廟有遺墟。已看田父迎猫虎。未遣溪人射鰐魚。日出鹽生沙地白。潮來波動縣城虛。故人相識登樓意。不是懷

歸畏簡書

得潮州遷客消息

瀧吏相迎度惡灘。到時應是笑筵間。猿啼嶺下梅花白。鰐去祠前荔子斑。名姓未看兵籍落。音書忽附估船還。莫言久作炎荒客。曾逐陽和返故山。

得亡友周履道在繁所詩就次其韻

擬出眞羅再卜鄰。死生俄判兩吟身。百年豈料逢今日。四海何由見此人。吳地有園花已盡。楚山無冢草空新。一篇幽憤時時讀。風雨寒燈夜獨親。

逢倪賢良歸吳門

數千里外久相違。十八灘頭偶獨歸。自說病來辭僕府。只因愁絕念庭闈。吳歌重把還御酒。蠻布猶穿過嶺衣。話盡三年遊歷事。滿庭風

兩送斜暉

蘇臺懷古

麋鹿來遊客過稀。消沉伯業在斜暉。遊帆自向湖中落。鳴鏜誰聞月下歸。鳥喙計成。榻榭至。蛾眉舞罷。羅非。如今始悟。牽衣諫。荊棘遺宮。淚滿衣。

吳城感舊

城苑秋風。蔓草深。豪華都向此消沉。趙陀空有稱尊計。劉表初無拜亂心。半夜瓦樓。俄縱火。十年高鳩。謾藏金。廢堦一夢。誰能問。回首青山。落日陰。

過淞江阻風晚竟漁舟抵松陵公館

風雨方知客路難。飛鴻相逐渡江流。港收漁市舟歸晚。門掩官廳燭對寒。此地昔年曾遠宿。何人今夕共清歡。枕邊不為江聲急。夢寐憂

時未得安

江館書事

江上逢春已兩迴。客中時序苦相催。蛛營戶網。蠶初出。雀借簷巢。燕未來。年少即閑。真信拙。詩成雖好。可言才。如今欲向南隣。更旋乞。乘楊遠舍栽。

別江上故居

家具初移。借舸臨行。魚鳥亦悽然。城南徙舍。惟三里。渚北開居。已二年。花塋回看。春水外。草堂留掩。夕陽邊。多慚父老。相留意。來去聊隨。造化遷。

遷城南新居

辛苦中年。未有廬東。西長寄一囊書。未能避俗。還依。俗。堪信移居。更索居。葉滿隣園。煙漠。竹連僧舍。雨疎。何須許伯。長安策。此屋偷

然已有餘

子祖授生

他日賢愚未可知。眼前聊復慰衰遲。人間豚犬應誰子。天上麒麟豈我兒。夢兆先占神媪送。啼聲還得使君奇。樂天從此休長歎。已有人傳相覆詩。

煮雪齋禁言茶

自掃瓊瑤試曉烹。石鑪松火兩同清。旋渦尚作飛花舞。沸響還疑酒竹鳴。不信秦山經歲積。俄驚蜀浪向春生。一甌細啜真天味。却嘆中冷妄得名。

香晚軒

不畏風霜向晚欺。獨開衆卉已凋時。地荒老圃宮三徑。節過重陽雨一籬。秋色蒼茫人醉少。寒香冷落蝶先知。山翁獨念同衰晚。坐對幽

軒細詠詩

送呂志學入道

海風寒。琳紫驛煙初著黃冠已稱便。篋裏竟拋紅葉字。燈前唯寫碧瑩篇。客憲欣忝回新夢。仙圃偷批記昔緣。亦欲盡將書策棄。山中依子學長年。

送衍期道還相城

江樹湖波繞相川。南風巾舄去翩翩。村中乞米晨留跡。城外聞鐘夜泊船。昔向名林嘗演法。今歸舊院定安禪。道心深悟俱浮幻。無奈詩名滿世傳。

春宵圖

燕睡簾前夜未深。羅衣應怯嫩寒侵。風傳漏板還堪數。月洗梨花不馬尋。翠管紅樓猶裊裊。華燈繡榻正沉沉。畫中一片春宵景。寫出閑

人帳望心

雲山樓閣圖

白雲窈窕楚天陰，半露樓臺半遠林。簾幙捲時秋雨歇，鼓鍾鳴處夕陽沉。鶴從遠海天邊下，猿隔巴山樹裏吟。為問仙家在何所，欲穿謝屐一燈臨。

鶴歌

遠隨仙客下青城，瘦骨肥來見畫驚。藜杖夜懸翻露影，竹尊春瀉飲泉聲。園中幾歲形容變，海上何時羽翼成。醉聽樹頭風噤々，却疑秋傍九皋鳴。

贈林泉民張夢辰次張貞居韻

兩船幾度載狂客，詩卷平生隨老翁。林下自成麋鹿友，世間相去馬牛風。曉窓吹熟露葵紫，秋寺馮殘霜葉紅。他日誰脩耆舊傳，著君應

在隱淪中

次韻楊孟載雨中卧疾

塔前曝藥雨來收，寒似人情戀故裘。壯歲問關元屬命，荒城蕭索不因秋。憶君我最相憐病，問客誰能獨免愁。階藟自能消鬱結，古方休向篋中求。

門前問疾幾人車，曲巷深、樹影斜。每愛積書緣有子，不愁聽雨為無花。亂來官俸猶支粟，睡起僧僮忽寄茶。何事一春頻謁告，只因來辦酒中蛇。

謁伍相祠

地老天荒霸業空，曾於青史見遺功。鞭屍楚墓生前孝，抉目吳門死後忠。魂壓怒潮翻白浪，劍埋冤血起腥風。我來無限傷心事，盡在越山煙雨中。

吊岳王墓

大樹無枝向北風，千年遺恨泣英雄。班師詔已來三殿，射虜書猶說兩宮。每憶上方誰請劍，空嗟高廟自藏弓。棲霞巖畔今回首，不見諸陵白露中。

愛姬祠在香山湖口

錦雲陣、落紅衣，波冷雙蓮。慘夕暉，故國草侵金犂路，虎祠塵掩畫羅幃。共哀艷，質軍前歿，誰見香魂月下歸。惆悵無人來，酌酒綠楊，惟有乳鴉飛。

七姬冢

疊玉連珠棄草根，仙遊應逐墜樓魂。孤墳掩夜香初冷，幾帳留春被尚溫。佳麗總傷身，薄命艱危未及身。多思爭妍無復呈歌舞，蒼苔鎖院門。

次韻西園公咏梅

如何天與出塵姿，不得芳名入楚辭。春後春前曾獨採，江南江北每相思。澹雲淡月迷千樹，流水空山見一枝。擬折贈君供寂寞，東風無那欲殘時。

雪中無伴只孤芳，倚竹非翠袖。粧馬工，忽逢臨水驛，鶴邊每見向山房。春愁寂寞，天應老，夜色朦朧。月亦香，此地一尊聊自戀，揚州回首已淒涼。

暮春荅僧懷德

風雨蕪愁過畫春，愧煩問訊社中人。床頭遺與青山舊，門外車隨白日新。說法空林三竺士，誦詩清夜五臺賓。相思難覺鐘聲近，猶隔城東十里塵。

水竹居為廉僧題

水西分土十袈裟拄杖敲門竹滿家掃石安禪無落葉過溪送客有
浮棹龍吟夜應潮生海鳥過寒鷺月在沙林下本來恭玉版不須更
煮趙州茶

訪呂志學寓性澹房

幾欲相尋與願違今朝始得過禪扉磬聲穿竹山房遠屐齒粘苔石
徑微幽鳥每同馴鶴下高人閑與老僧依談詩說偈俱堪喜坐覺茶
香上薜衣

雅宜山居為陳雅宜題

華屋雖存恐獨居愁暗松栢漫踟躕夕陽下馬高人墓夜月啼烏考
子盧地掩衣冠魂去後家留圖籍手編餘元方應有無窮意陌上何
年重駕車

喜徐幼文北歸

風塵萬里損光輝舊面相逢却訝非在路定留經處詠還家猶着時
時衣久留遠土蟲蛇謀忽解高鷗鵠飛尚念梁園二三客與君同
去不同歸

東里草堂

久客因為東里人年來移竹與僧隣時名頗惹綠詩得野性惟知向
酒新林正煙生門掩夕園中雪覆鳥鳴春相期歲晚為同社隔屋歌
呼定不嗔

蘆花簾

芙蓉織出緯蕭機未許暇鬚獨銜奇寒雪照庭晴不捲白雲當戶晝
長乘恍疑柳絮風穿早不管梨花月到遲自是楚江秋一片移來不
使白鷗知

兩過舟中看山

風雨山前暗薜蘿。滿蓬涼思入滄波。沙鳴正厭秋聲急。峯出還憐秀色多。溪上雲收開遠樹。田中水滿發新禾。舟人不用催歸速。卧看青巒次第過。

夏夜偶成

銀河欲轉漏聲稀。坐詠閑齋夜掩扉。鵲影頻翻窓竹起。螢光每拂徑莎風。風生漸抖簾紈扇。露下猶沾楚葛衣。自撥湘床相待月。為憐池上夜涼微。

泛舟南湖觀荷

雨晴南浦錦雲稠。晚待潮平蕩槳遊。狂客興多惟載酒。小娃歌遠不驚鷗。半湖月色偏宜夜。十里荷香已欲秋。為愛前沙好涼景。滿身風露未回舟。

新竹

南池雨後見新篁。晷日煙梢漸出牆。風度亂翻交響響。露垂微拖粉痕香。簾前嫩色初含暝。琴畔疎陰已送涼。野飯休燒林下笋。留添碧玉數竿長。

梅雨

江南煙雨苦冥濛。梅子黃時正滿空。洒竹暗連湘女廟。隨雲遠度楚王宮。憲寒頓使拋紈扇。衣濕頻催換火籠。幾度欲晴還復暝。簾前不放夕陽紅。

林亭山寺漁樵共話圖

古澹亭臺絕世音。橋分鳥道入雲林。溪流漲雨含春綠。柳色凝煙帶晚陰。江接遙岑青黛淺。山藏古寺白雲深。應慙披屨塵中客。誰識漁樵話裏心。

追次唐人韻

任俠平生慕灌夫。每思鳴劍起伊吾。歌調錦瑟初移柱。暖擲金盤已作盧。買妾競誇燕地女。求官不事党家奴。灞陵獵騎歸衝雪。暖殺詩人凍獺鬚。

贈王醫師立方

醫得河間第五傳。尋師曾上海門船。龍方試後應多驗。鶴骨癯來已欲仙。度澗斷苓朝帶雪。隔林蒸木午生煙。詩人亦有相如渴。願乞丹砂贖井泉。

送基工人布載

水郭春寒壓柳絲。扁舟遙送道林支。日邊金界遊應徧。雪後滄江渡較遲。座藹爐香朝演法。窓傳鉢韻夜談詩。龍河舊日棲禪侶。想拂雲床正待師。

謝吳庠徐司訓善醫起人疾

解榻高齋晝日遲。坐談周孔雜軒岐。仙人方在應歲枕。博士經橫每下帷。池上採芹風起處。塔前晒藥雨收時。病痊不使人栽杏。只要新題滿卷詩。

起京留別鄉舊

葵向江頭買去船。自嗟行計日留連。風雲已遂明時志。歲月空驚壯士年。捧檄敢期囊穎出。看鞭肯向驛程先。東華叨列仙班入。五色雲中覲九天。

白鶴溪阻雨

漢上窮陰歲欲闌。却携孤棹別鄉關。雨添白鶴溪頭水。雪變志陵道上山。自嘆無心雲漫出。應嗟倦翮鳥知還。浮生擾擾成何事。贏得星星兩鬢斑。

御溝

春含禁柳綠相和。縈貫天津若絳河。派出官牆流葉斷。源通靈沼躍魚多。曲迂月下龍舟轉。清照雲間雉扇過。行客何須問深淺。長流不盡似恩波。

登天界寺鐘樓望京城

朝罷登樓賞晚晴。三山二水總分明。人間地湧黃金界。天上雲開白玉城。宮榭遠連江樹色。寺鐘微答禁鐘聲。憑高望此觀形勝。深愧無才賦帝京。

喜聞王師下蜀

蜀國兵銷太白依。將軍新拜漢征西。浮橋已毀通江鷁。進鼓初鳴突水犀。不假五丁開道遠。俄看萬甲積山齊。從今險阻無人恃。夷貊南來盡絃鞞。

送陳總戎出鎮邊郡

家出山西負勇名。旌旄方見去專城。風生曉帳旌旗動。日落寒譙鼓角清。麟閣封侯新寵任。鴈門擒虜舊功成。如今四海無征戰。雅咏投壺樂太平。

送周省郎之官海虞

黃茅連野邑城荒。佐邑初煩舊省郎。鴈起海風吹暮角。鷄鳴關日照晨裝。讀書臺下逢人少。濡墨堂中憶尉狂。若到官曹無事日。一尊為我酌斜陽。

送沈省郎赴武康縣丞

昨夜南風長綠荷。映君袍色渡溪波。暫從蘭省辭宵直。又向松廳愛晝哦。投牒訟田來縣少。披圖按地設邊多。孤城莫歎經殘廢。還得征輸免重科。

送胡端任嶺南陽朔主簿

孤舟應過五羊城。新作微官治遠氓。躑躅風前荒店酒。鞦韆雨裏惡
溪程。負薪每見歸村女。操斧時逢出洞兵。此去知君非竄逐。不須臨
別泪沾纓。

送殷孝伯任咸陽教諭

獨北遺經出董帷。秋風疋騎入關遲。用儒幸際千年會。造士欣為一
縣師。鴻鴈雲低秦壘角。牛羊草沒漢陵碑。宦游兼得觀形勝。莫向尊
前嘆別離。

答復上人見寄兼簡泐李潭

高堂鐘鼓毒龍驚。曾布袈裟海上城。廬岳禪師傳法印。道園學士許
詩名。獎趨北闕瞻天近。獨坐南屏對月明。書到喜聞雙桂老。雨華新
散滿瑤京。

答韓長司見贈并柬滕用衡

昔年載索侍明堂。每見論邊近御床。入幕乍忝飛騎將。還家新卜卧
龍岡。秦山暮閣閑雲遠。吳樹秋涵海日光。共語東西宦游者。里中今
喜有南陽。

秋江晚眺圖

一髮青山斷鴈邊。渚宮樓閣暮雲連。煙波彷彿江南景。嵐柳依稀峽
外天。釣艇歸時風動葦。僧鐘起處日沉煙。觀圖忽轉滄洲念。身隨黃
塵又幾年。

張院長貽太湖中秋散月之作因次韻

洞簫閑處似黃州。月色惟過一半秋。兔闕何年丹桂種。龍宮今夜白
蓮浮。露沾席工縱橫醉。天落舟前浩蕩遊。若上洞庭看玉鏡。兩山應
是勝三洲。

客中述懷

故園生計日蹉跎，不覺青春客裏過。旅食自慚空舊索，朝衫誰為換新羅。多愁未必閑花事，長醉原非困酒魔。幾度欲歸，未得空彈長劍和高歌。

重遊甘露寺

曉色蒼蒼宿雨收，倚天樓閣喜重遊。雲來雲去山如舊，潮落潮生江自流。天上曾聞甘露降，庭中長見雨花浮。江山千古情無盡，人往人還自白頭。

送賀叔庸還錢唐

暫來還去獨翩翩，噴鼻清狂已欲仙。三日小樓延解榻，幾人南浦送回船。鴈呼舊侶投雲外，梅試初花在雪前。歸去西湖柳邊宅，定娛鶴髮慶新年。

送梁天爵歸會稽

識君京國暫相從，別去堪憐此再逢。共把一杯官市酒，初聞半夜客船鐘。吳洲鴈落潮痕淺，越嶠猿啼樹影重。曾作尊翁舊僚屬，臨分難恨倍人濃。

端陽寫懷

去歲端陽直禁闈，新題帖子進彤扉。太官供饌分蒲醑，中使傳宣賜芣衣。黃鸞迴廊朝旭淡，玉璽當殿午薰微。今朝寂寞江邊卧，閑看遊船競渡歸。

喜張太常孟兼南歸省墓見訪江館話舊

長嗟遠別望京城，忽喜相逢駐驛程。問舍求田慙我鄙，還家工篆羨君榮。寒廳照句圍爐坐，晚陌趨朝並轡行。此夕重談真若夢，江湖夜雨一燈明。

喜徐徵君幼文浩上人覺源見訪

遠煩支許問棲遲。正值山家橘綠時。為吏得閒非是隱。學禪有解即
能詩。潮聲驚客江三里。秋色留人菊數枝。莫怪相逢情倍喜。碧雲紅
樹久相思。

雪中

舟絕寒江凍不潮。縈沙拂柳影悠悠。纔從漁浦跡。還積還向樵村竹。
外飄撲馬。憶當年少樂。點袍曾逐侍臣朝。如今獨坐吟詩句。茅屋茶
煙冷未消。

寄永寧丁令就簡盧先輩

政成百里自材優。莫厭青袍映白頭。盜散山棚城少閉。渠通田澮水
多流。陸渾莊上雞鳴午。緱嶺祠前鶴去秋。沽酒更須煩縣令。洛中時
伴玉川遊。

送王茂才還杭

客遊南北再逢春。幾驛烟花一騎塵。觀國舊逢朝闕使。還家今作渡
江人。雪迎酒氣消應早。柳逐歌聲發更新。此日腰間垂赤組。不須猶
愧故鄉親。

次韻王七隅仙興

不依道士覓鴉群。薰沐清朝謁老君。龍氣雙騰含景劍。龜魚三食內
篇文。山中石髓青如鐵。海上琪花白似雲。知子從來有仙骨。吹笙擬
共接飛裙。

次韻王汝器過陽山澄照

汝向山中住十日。題詩幾度見經過。彈琴只坐寺前石。放棹每遊湖
上波。空禱雨過虎跡少。大洞雲生龍氣多。老僧好客未容去。落日更
聽樵牧歌。

夜雨不寐

雨窗燭盡漏迢迢。秋滿床幃酒易消。曉蟬催寒。翰絲緝梧桐。開雨勝
芭蕉。漸知老去非今日。登信愁來是此宵。莫聽曉鐘。聊穩睡。閉居久
已罷趨朝。

漫成

紫門藥圃小江邊。早得閒居是偶然。兩岸晚風黃鳥樹。一陂春水白
鷗天。悠悠往事空書卷。碌碌浮生只釣船。猶記京華為客日。幾回聽
雨憶歸田。

乙分棧遲不似癡。江邊林下儘幽期。病惟好懶寧洵藥。心未忘機偶
對棋。閑雜雨聲花落夜。芳塘草色燕飛時。春來頗羨囊中富。添得新
成幾首詩。

送軒集卷之七

槎軒集卷之八

五言絕句

聞鐘

日暮遠鐘鳴。山窓宿鳥驚。楓橋孤泊處。曾聽到船聲。

聞笛

橫吹於夷聲。江樓月正明。伊州不堪聽。都是故園情。

聞柝

朝擊城上霜。暮擊關下月。愁聲畏頻驚。何方此聲歇。

馬遠畫茶蘼黃筍二幅

池冷畫闌幽。芙蓉伴晚愁。金盤承露重。彷彿漢宮秋。
春晚獨餘芳。風回帶酒香。美人偏愛看。因似御衣裳。

鴈

國家圖書館 NATIONAL CENTRAL LIBRARY, TAIWAN, R.O.C.

初別別胡沙。樓頭度影斜。江南秋月好。隨意宿蕪陵。

秋雨

琴瑟復蕭蕭。燈前滴此宵。秋聲最難聽。况復在芭蕉。

秋聲

砧韻雜鳴砧。梧邊雨帶風。千聲作秋意。併入夜窓寒。

紅葉

霜染滿林紅。蕭疎夕照中。曾供寫秋怨。流出未央宮。

桂

風露泛清香。微陰別院涼。誰能呼白鳳。花下舞霓裳。

對月夜飲

月照綠樽深。清歌桂影陰。姮娥留伴我。莫向畫樓沉。

中秋

此夕月華流。平分一半秋。誰能尋庾亮。吹笛上南樓。

春溪獨釣

春水鱖魚肥。垂綸坐釣磯。羊裘人易識。好著舊蓑衣。

竹林高士

竹深斜日在。獨鶴見扉開。誰顧閒居者。惟應二仲來。

湘南雨意

南禽暮啼起。門掩湘祠裏。脈脈半江陰。春雲與春水。

携琴訪友

孤騎復孤琴。披嵐入澗陰。遠尋君莫訝。城市少知音。

晚尋呂志隱

小艇載琴行。松花落晚晴。君家偏可認。隔樹有書聲。

訪丁至恭不遇

獨坐無與語出門聊訪君空回轉惆悵芳草日將曛

答陳邦度

賈客君常返脩琴君已歸無為嫌寂寞世事意多違
得家兄在遠消息

家將遠人信復報遠人知世亂書難得開緘似見時
幾日看回鴈今朝尺素開應知在天末亦望弟書來
歲晚各離家憐兄去路賒書來約歸近同看故園花

池亭

虛檻秋池波閑凭看浴鴉秋荷知幾葉添得雨聲多

玉王薄小園

夏藥風苗長秋瓜雨蔓新誰言趨府客却似灌園人

登樓望虎丘

秋霽倚層樓孤峰是虎丘香臺紅樹裏佳處記曾遊

宿雲岩僧院寄陳惟寅

竹動鶻頻驚秋荷閣外橫談禪坐久莫遣曙雞鳴
深竹晝鳴鳩微涼滿寺秋老僧雖不在風雨自相留

画

望秋倚高閣隔江愛層巘不見度僧歸煙深暮鐘遠
冷々風中絃渺々雲間鴻秋懷不可寫日暮青山空

鴛鴦

兩々蓮溪上看如在錦機應知越女姬不敢近船飛

柳燕

妙舞漢宮人香魂化幾春嬌飛傍楊柳猶似學腰身

水邊桃花

一片欲隨流，殘粧照影愁。誰來唱，拋葉風雨送離舟。
西園梨花唯開一枝

秋芳不滿柯，蜂蝶未經過。莫怨春情薄，開多落也多。

禁痺竹

嫩葉與殘枝相依暮，兩時莫分禁痺看。即在不自移。

隔簾聞歌

低按新翻曲，人聽意每猜。簾疎遮不斷，嬌透幾聲來。

題蕉仕女圖

琴罷咏春朝，餘醒吸露消。詩成無落葉，聊為寫芭蕉。

病酒

日高頭未擲，困卧對山花。暫謝高陽侶，恣閒獨飲茶。

宿寧真道館看茅澤民畫

看山如見君，君家在山下。僊館憶君時，明燈對圖書。

軒前小竹

琴罷茗烟銷，閑齋思寂寥。秋梢綠敗葉，添得兩蕭蕭。

暮歸寄潘汝器

槐葉落秋城，斜陽一騎行。客邊聞笛處，同恨有王卿。

燈白雲寺閣

凌迥眺脫巔，窈窕燈秋閣。紅葉兩初晴，千巖一泉落。

宿紫藤塢

竹風稍欲靜，遠溪寒可聞。不用蓮花漏，鶴鳴知夜分。

雪夜宿山家寄斯道

師卧西庵雲，我聽東齋雪。休嗔夜不來，對面元無說。

夜坐聞鴈

何處度寒雲，衰多乍失群。不因愁未寢，誰到夜深聞。

夜泊盤門城下聞鐘

暫泊城下舟，遙聞城裏鐘。家在鐘鳴處，聽來歸思重。

雲林小景

歸人渡水少，空林蔽煙舍。獨立望秋山，鐘鳴夕陽下。

山中

自着林間屐，來聽石上琴。老僧留客久，西嶺日將沉。

睡足

風雨落林村，鳩啼正掩門。今朝無事役，睡足亦君恩。

九日

携壺還採菊，惆悵獨登高。憶在詞林日，華筵食賜糕。

客中歲暮

已嗟求道晚，復省濟時艱。碌碌成何事，天涯又歲闌。

客中除夕憶女

別家非願久，回首已徂年。今夜寒齋雪，何人聽折絃。

和楊孟載刺客三詠

雖

袖藏匕首一揮報，公子誰言上將推。不異孤豚死

疏

玉，醉不知音亭前殺，聲起勿輕無目人。能為有心鬼

七首

購自徐夫人，欲堪秦皇帝。銅柱火光飛，奇鋒非不利。

鄭隱君山園四詠

春紅雨後繁，孤墅啼鶯曉。聞道曲江園，遊人近來少。

右杏園

種瓜莫傷蔓，傷蔓子生稀。留待經霜露，盈筐採得歸。

右瓜圃

獨行林下路，望、南山暮。無酒撥英嘗，寒香已零露。

右菊蹊

春暗花如雪，難招落莫魂。空林酒醒處，月墮客敲門。

右梅塢

余氏園中諸菜

葵

生依堂後井，綠葉幾葳蕤。長每愛清齋，曉山熨帶露香。

韭

芽抽冒餘氎，掩冉煙中縷。幾夜故人來，尋畦剪春雨。

筍

林下和烟斫，頻燒脫醉時。秋陰從自少，放月到南池。

芥

葉冒春蟲老，花留暮蝶新。摘來供素茹，露氣足芳辛。

茄

夏雨早，葳蕤垂、紫實圓。為詢軒冕客，誰植郡齋前。

薺

苦口應多利，誰誇爾味甘。春風花似雪，自繞古牆南。

菘

秋深詫脫出，嚙脆如鳴玉。醒酒策奇勳，冰壺浸寒綠。

蕈

紫絲浮半滑，波上老秋風。憶共香菰薦，吳江暮艇中。

蘭

白藕洗春泥，瓊嚼脆梨勿。須拋翠葉留作甕頭齏。

蘭

土膏蒸秀質，雲液潤華滋。寄語瓊田叟，無煩種五枝。

芋

水處回山粟，防饑向歲闌。寒齋自煨啖，不用嶽僧殘。

芹

飯煮憶青精，羹炊思碧澗。無路獻君門，對樓空三歎。

葱

玉糝浮春聲，青絲簇曉拌。不知冠軍族，舊業幾人安。

薯蕷

斲雪得奇藥，黃金敢論美。歸來煮澗薪，竹外孤煙起。

茭白

舊說副胡美，園厨試早嘗。還思聽蕭瑟，風葉滿秋塘。

端陽十詠 在集已收 絲索 叙符 二首

艾虎

乍出草間微，高懸衛子扉。何能令鬼避，應假阿寬威。

角黍

香菱裹秫炊，投祭楚江湄。頗恨饕蚊橫，君忠竟不知。

昌歎

采菰自遙汀，芬薈助醑醢。共邀當午酌，誰伴大夫醒。

守宮

花房夜杵紅，痕漬香浸骨。不見翠輿來，春愁共難改。

射柳

不設畫熊侯營前折條短一發萬人呼青正中斷

擊毬

躍騎曉場平流珠逐杖輕衆禽疑彈落花外一齊鳴

競渡

畫舸關飛龍襄王廟前發向晚鼓聲歸涼波上新月

鬪草

摘拾徧鼓，鋪茵曲檻東衆家誰勝得獨有並頭紅

軍裝十二詠 在集收其十

或擊或不擊皆堪制強敵營中尤切需炊餉三軍食

右刁斗

魚皮作箭房行響豹羈傍何日看休戰高懸向射堂

右箛

師林十二詠

獅子林

風生百獸低欲吼空山夜疑是天日巖飛來此山下

飛虹橋

初看卧波影應恐雨崇朝過澗尋師去端似度石橋

含暉峯

演漾弄晴暉江山秋歎霏我吟康樂句日暮淡忘歸

吐月巖

四更棲鳥驚山白初上月起開東閣看正在雲峰缺

立雪堂

堂前叅耒退立到雪深時一夜山中冷無人祇自知

卧雲室

夕卧白雲合朝起白雲開惟有心長在不隨雲去來

問梅閣

問春何處來春來相何許月墮花不言幽禽自相語

指栢軒

清陰護燕几中有忘言客人來問不應笑指庭前栢

玉鑑池

一鏡寒光定微風吹不波更除荷葉點放取月明多

冰壺井

圓甃夏生水光涵數星冷窓有定中僧休牽驢頰

竹谷

翠雨落經床林鳩午鳴後筍出恐人來編籬渡谷口

禪窩

縛帶陰床趺風雨不可壞誰言尋丈寬能容大千界

六言絕句

陸氏別墅

斜陽流水幾里啼鳥空林一家來往莫愁橋斷門前自有浮槎

槎軒集卷之九

七言絕句

宋徽宗畫眉百合

百合花殘六合塵。汴宮啼鳥怨無人。不知風雪龍沙地。還有圖中此
樣春。

孟浩然騎驢吟雪圖

西風驢背役吟魂。只到龐公舊隱村。何事能詩杜陵老。也嘗騎扣富
兒門。

虎丘

望月登樓海氣昏。剡池無底鎮雲根。老僧只恐山移去。日落先教鎖
寺門。

醉後贈張架閣自京回

燕山雪灑虎皮鞵。萬里歸來動隔年。莫說中原成敗事。相逢且共酒
家眠。

送王丞巡塞

前夜三烽照遠山。防邊那得待農閒。肩輿行視千夫柵。應過秋風第
幾關。

送林生往海上

藥囊詩卷又辭親。風雨孤舟渡晚津。此日遠遊君莫怨。亂離無恨別
家人。

題張靜居叢

隔塢晴鷄午。唱遞焙茶煙裏樹。離、知君貌得山村景。應是當年未
亂時。

醉歸夜坐有感

醉歸門掩卧閑坊
夢裏憂時得暫忘
忽聽角聲驚起坐
月明軍壘五更霜

雨夜

江黑雲寒閉水城
鐵兵守堞夜頻驚
此時自在郊簷底
風雨安眠聽柝聲

寒食感懷

江城寂寂雨冥冥
楊柳無烟曉自青
亂後西園門獨掩
流鶯不似去年聽

城邊舊墓是誰家
祭肉應無餽脫鴉
聞說子孫經亂散
傷心空見野田花

故園春雨杏歸香
幸喜家人共得嘗
無限從軍西去客
今年寒食未還鄉

城南柳

裴公閒姿漠漠陰
春江路暗繞城深
前朝送別曾攀處
回首都迷不易尋

虞文靖公墨蹟

清朝文雅孰稱推
我已生年後此公
今日亂離江海
上獨瞻遺墨洒西風

送父判官南歸葬親

青楓驛下哭秋烟
抱骨初登萬里船
京國仕餘無舊索
故人誰贈賣山錢

客館夜見亮師畫工有余呂二友題

上人圖畫故人詩
相見燈前夜雨時
無限雲山與煙樹
總含秋色是相思

登白蓮寺閣眺幼文

思君曾此望西州誰信歸來得共遊只是當時舊山水如何重看
不勝愁

贈杜彥正見端

骨琢精冰目剪波生兒若此豈須多杜郎還是真男子愧我無才為
作歌

不貪梨栗自相親識是伊家舊友人更待十年應長大功名當見太
平春

海上逢王常宗兩夜同宿

故人散盡獨君存風雨相逢海上村尊酒飲闌言未盡更留殘燭照
黃昏

客舍送周履道往松陵

客裏愁傾送別杯鱸鄉亭下暮潮回明朝獨卧江村雨誰復敲門話
舊來

送胡奎還海昌

練裳風細落桐英江燕差三夏雨晴峽石山前今夜泊隔船誰聽詠
詩聲

晚陪張子宜過西橋隔城望見諸山

晚工西橋送客行隔城遙見衆山晴望山還恐山長咲坐守書幃不
出城

讀周履道荆南集

生別猶疑不再逢楚天雲樹隔重三愁來讀盡荆南藁風雨空齋掩
暮鐘

寒夜逢幼文

松下柴門密雪封故人驚喜夜相逢明朝歸棹還分別莫聽楓橋寺
裏鐘

雪中喜劉君勝見過

滿城春雪禁花開愁坐寒窓欠酒杯喜子遠能來慰我扁舟不肯過
門回

托流入寄書家兄

不遇流徒謫戍邊家書那得去人傳今朝信發何時到路隔鴟原有
幾千

田舍夜春

新婦舂糠睡獨遲夜寒茅屋雨米時叮嚀兒子休啼哭明日行人要
早炊

卧病夜聞隣兒讀書

月淡梧桐雨後天伊吾聲在北牕前誰知隣館無兒客病裏聽來轉
不眠

贈楊孟載見阿稱

憐君未老有佳兒三歲還能誦父書賓客見來誰不喜我身回顧却
成悲

逢故人子

道傍忽見為躊躇流落饑寒喪亂餘久客無人解相念傷心思廣絕
交書

客越夜得家書

一接家書意便歡外封先已見平安故鄉千里書難得不敢燈前草
草看

夜雨客中遣懷

不是羈人是木腸怕愁不敢易思鄉醉來獨滅青燈卧風雨從教滴
夜長

尋常風雨睡冥冥底事今宵只自醒一枕蕭蕭孤燭暗此聲原在客
中聽

夢歸

何事頻頻夢裏歸只緣未慣客天涯覺來不見家人面恰似前朝始
別時
忽夢還家上越船來時舊路只依然家人不識關山遠春夢何曾到
我邊

春日憶江上

柳下春潮沒舊磯草堂猶在掩荆扉如今歸夢休為蝶化作輕鷗渡
水飛

客中春暮

酒醒閒寫送春詩細雨殘花尚一枝莫向天涯望芳草客愁多是去
年時

春寒樓上下簾卷鴉鴉偏臨客耳啼淡月殘星天欲曉故園歸路夢
中迷

夢余唐卿

路隔成皋萬里關何由得見故人還燈前夢裏忽見猿叫楓林月
在山

送徐幼文浩宗源還郭

欲共歸舟懶入城再三難判別時情聊題詩卷投君袖相伴秋江此
日行

客中僧衲影翩跹同逐秋風上別船賴得江帆無樹隱相望直到暮

城邊

元夕聞城中放燈寄諸友

江邊殘雪閉寒扉坐戀梅花未解衣却憶今宵滿城月看燈人醉踏歌歸

春日漫興

春冷園林未到鶯初晴稍已綻山櫻野夫不負東風意也起尋芳郭外行

春事匆匆過海棠只愁春去欲顛狂雜英滿地憑誰拾合作熏爐百和香

江上雨中

江漲隨漚欲到門濕雲依樹易黃昏幽居常日無來客何況滿江雨滿村

床隱屏風竹几斜卧看新燕到負家閒居心上渾無事聽雨唯憂損杏花

春陰

風雨將殘雪又來春陰二月未能開紅花白蕊都妨却只有青苔一院苔

惜春

春過一半未能知此後還愁不肯遲斜日浮雲樓上醉更無言語嘆花枝

林間行成

冠觸花稍露濕衣曉因行樂到南圻日高霧散春江曲綠滿平疇雉子飛

王宅看海棠

春盡無花思看花見花不語轉咨嗟
朱唇得酒潮生臉醉媚應誇
內史家

次北郭故人寄韻

風多舟小滯歸人飛絮茫茫
暗脫津酒滿壚頭花滿店
今年不見洛陽春

清明有感

綠樹誰家烟火新鞦韆無日總無人
魂消獨立長洲苑
鶯花寂寞春

聞諸君遊城北女冠院看杏花

閑踏春晴覓彩霞
鳳笙吹向女仙家
劉郎醉後殷勤看
不是玄都觀裏花

柳塘飛燕

身輕不奈晚多風
春盡迴塘落絮空
楊柳陰迷三十里
畫樓何處捲簾櫳

睡起

睡起東齋夢蝶床
銷蘆蒸熟滿家香
空林積雨無人到
今日開門草又長

閏三月書事

不須愁寫送春詩
花比常年落最遲
添得一分春色在
天應憐我惜芳時

綠樹殘鶯偶一鳴
聽來方解憶山行
今年不是逢餘閏
已過春光半月程

春日經故帥宅

錢墅韓園處
池橋多芳草
少花枝眼看新
第皆蕪沒
何況將軍出

許時

西園春暮

寺裡園中總倦行，閑眠看得燕巢成。豈無酒伴同騎馬，落日風吹花滿城。
非關騎馬踏塵埃，病眼昏昏自懶開。江上酒徒應共咲，紅春不作看花來。

壯年未甚惜春歸，却喜新陰綠上衣。乘興獨吟斜日裏，閉門啼鳥亦來稀。

春晚過茶磨西崦

一塢茶煙隱翠微，漁樵來慣客來稀。溪頭樹暗飛花盡，初聽人家響打機。

雲岩東院

古寺閑窓映竹開，雨聲初斷鳥聲來。春風似念無花看，遠送飛紅到視臺。

杏林為蕭沈二醫師題

求藥來非問酒家，收童休指近村霞。欲知活得入多少，試數門前幾樹花。
絳雪紛紛滿翠條，扣門都是病家邀。如今不用施方藥，聞得花香病自消。

田家壽燕圖

花滿郊堂映綵衣，開籠曉放鶴雛飛。隣翁壽畢共扶醉，恰似春來社飲歸。

春暮題畫

花落吳王故苑西，客亭風雨聽鶯啼。今年又負行春約，畫裡看山不

憑題

過湖南舟中卧作

野客分携水店前浪平舟穩稱酣眠
午雞啼處前村近過盡平湖幾
曲天

江上阻雨

高枕潺湲響夜瀼暗驚風雨到船牕
客程三日不得去夢逐野鷗飛
過江

開元綠陰堂管筍

僧林遠過竹扉開燒筍頻煩斲紫苔
雨後尚憑留幾箇高堂重看綠
陰來

三蟲

蜜脾未滿報衙頻蠹化初成傳粉新
誰道爭花群隊裏長吟還有獨

醒人

粉蝶黃蜂各冶心逐香窺艷競相尋
南園雨過羣芳歇輸與鳴蜩占
綠陰

雨中閑卧

青檀素榻小窓空慙愧安眠敢歎窮
多少人愁泥滑曉衝風雨客
途中

晚立西浦渡

鬢絲微映釣絲輕水葉驚風細浪生
誰見脫涼人立處數株楊柳一
蟬鳴

西山暮歸

急雨絲風濕轉雷爛紅千樹熟楊梅
嫩涼睡足天峯寺借得肩輿晚
亦回

過湖舟中望寺

出浦平波忽地開，隔湖煙樹有樓臺。
歸舟未得尋僧去，空聽鐘聲寺裏來。

林亭避暑

風細桐花落井闌，池荷新長大如盤。
閉門無客搖鈴索，半蔭閑書讀易殘。

書闌斜度水螢光，荷葉荷花各有香。
團扇不搖風露下，秋應先借一宵涼。

池亭對竹

秋陰弄色護池亭，群玉山橫翡翠屏。
鳴鶴迎風時一唳，先生高枕夢初醒。

江上晚歸

渺々雙鳧落晚沙，一江秋色斲明霞。
逢人不用停舟問，大樹村中是我家。

秋閨怨迴文

人行遠寄寫情詩，靜院秋生恨別離。
新鴈過時驚夢短，塵牕桂影月遲遲。

中秋無月無酒

桂樹香寒掩畫樓，江雲黯淡蔽中秋。
道人莫喚鉅城出，照見空樽却轉愁。

丁侃約中秋泛舟過予，夢江竟留飲孫卿池上

擬向江潭放舟却，成騎馬習池遊。
但逢有酒俱堪醉，月色初無兩樣秋。

秋日見蕃薇

黃葉林中絳蕊開，窮陰不道艷陽回。空房雨裏看如咲，應喜今朝有客來。

癸卯九日

酒熟如何菊未開，小園荒徑獨徘徊。不隨眾友登高去，只恐愁因望遠來。

菊竹

晚香零落倚秋陰，荒迳無人白露深。不及芙蓉與楊柳，湖邊時有畫船尋。

墨菊

獨留藏面傲霜遲，秋蝶來尋莫自疑。須信陶翁醉歸後，西風塵土滿東籬。

紅梅

春暈冰銷倚竹低，羅浮却似武陵溪。詩人從此來相覓，雪滿空山不復迷。

折梅

竹外相逢見素花，手携教朵喜還家。兩窓今夜無明月，慙托寒燈照影斜。

三香

羅浮洛浦與瀟湘，三處離魂一本香。夢斷月明秋渺，鷓衣何似翠裙長。

道上人梅

笛裏寒梢盡自開，幾年風雨不生苔。山窓夜半禪初定，應喜無香撲鼻來。

北莊訪友

淺水平沙凍鴨眠。秋聲和過石橋邊。尋人魚得尋詩興。野樹江雲欲
雪天。

和婁秀才觀梅

閒將瘦影伴吟身。水際黃昏竹外春。莫訝此翁偏賞戀。愛梅自古屬
幽人。

東丘蘭若見枇杷

落葉空林忽有香。疎花吹雪過東牆。居僧記取南風後。留箇金丸待
我嘗。

冬月寓治平寄王仲廉

我遊山寺未能回。君卧園廬不肯來。惆悵秋冬花樹下。一尊賞雪共
誰開。

腊月十七夜偶成

一床詩思繞梅花。月墮西樓欲起鴉。可是年來無遠志。夢魂終夜不
離家。

城西幻住菴期看梅花雨雪不果

詩人本似道人閑。偶負幽期不出山。只有梅花舊時夢。夜隨明月到
林間。

梅花宜向雪中看。屐滑翻愁雪未乾。惆悵小房深竹裏。一尊誰與破
春寒。

翠羽休啼怨不來。滿林風雪滿身苔。此花不是繁華種。只合空山獨
自開。

槎軒集卷之十

七言絕句

張太常金華白石山房

石氣春生化白雲。滿林瓊草卧羊群。太常他日歸來日。身老應同萬石君。

聞王翰林使番

碎葉城邊積雪明。彈箏峽外遠人行。已聞贊普知臣順。不似前朝作舅甥。

兩夜讀王待制詩

客窓疎竹雨淒淒。把卷燈前讀舊題。此際殷勤如會面。不知君在夜郎西。

夜泊昆陵道中遇雨

憶自家中向晚邊。醉看見女咲燈前。孤舟今夕昆陵道。獨枕蓬牕聽雨眠。
野客維舟柳岸邊。昏。離思暮鐘前。擁衾不寐聽風雨。還憶江頭人未眠。

離江館一月有感

憶得離家一月期。天邊明月半圓時。遙知此夜閨中望。比著他情分外悲。

見花憶故園

春色先從天上来。花枝盡發鳳皇臺。不知別後鄉園樹。寂寞書牕開未開。

得袁卿書知赴湖廣

聞君去歲客并州。近得書來却倍愁。為說去程今又遠。望鄉應上武

昌樓

雨中曉卧

井桁烏啼破曙煙。輕寒薄被落花天。閑人晴日猶無事。風雨今朝正
合眠。
香斷牀幃冷未開。雨窗寒落滿櫺窗。休輕一枕江邊睡。拋却腰金換
得來。

閩門舟中逢白範

十載長嗟故舊分。半歸黃土半青雲。扁舟此日楓橋見。忽
見君。

寄雲間朱國史嘗同宿左掖約至江上見訪

風雲京華憶舊逢。候朝同聽鳳樓鐘。還鄉何事番離阻。春樹春雲隔
九峰。

曾期訪舊到江沙。惆悵參差過落花。大樹村中休重問。野人求食已
移家。

祜陵所題畫

御翰親題賞畫工。棘林野鳥怨秋風。那知回首宣和殿。物色淒涼與
畫同。

子昂臨祜陵草蟲

宣和遺墨畫難工。惟有王孫筆意同。莫道吳宮與梁苑。一般草露覆
秋虫。

謫仙像

妃子嗔來供奉歸。金陵酒澆舊宮衣。紫教直上樓船去。此像人間寫
亦稀。

青城先生戴笠圖

暫脫朝冠白髮輕。南村群犬莫相迎。行吟不覺逢山雨，但聽蕭蕭上聲。

梨園按樂秉燭夜遊二圖

催花一曲勝伊涼。羯鼓聲高樂未央。閣外莫陳胡騎動，花開正要舞山香。

內家持燭畫紅粧。仗入華清看海棠。羯鼓聲中春夜短，君心何暇照逃亡。

題畫送人歸觀

相望蒞遠蒞傷神。落紫浮雲暗度津。底事過江柔櫓急，故鄉知有倚門人。

送李二尹赴歸安

碧花微雨落秋汀。一路青山棹葉輕。停驂喜哦詩無俗吏，兩松相對縣

丞廳

送友謫戍

獨携一劍未知名。憐我惟君弟與兄。欲把平生肝膽事，盡和別酒向君傾。

江柳江波雪後春。蕩舟相送北江濱。衆中莫恠偏多恨，自是人間失意人。

挽栗漬翁

誰憐野鶴一長身。去作窮泉萬古塵。他日重來牀下拜，襄陽耆舊是何人。

慰人悼亡

朱字瑩篋香綢塵。月明不見理絲人。鏡臺窓下櫻桃樹，應是當時折剝春。

湘君洛神二圖

祠前脩竹楚山青
風珮時飛過洞庭
月夜莫彈瑤瑟怨
重華不見有誰聽
晚步芳洲拾翠歸
不愁風浪濕仙衣
彩雲一滅無尋處
應逐陳王去馬飛

讀徐幼文北郭集

一卷忻看故友詩
留人去喜還悲西
窓夜雨燈前讀不
似連床對咏時

和衍斯道懷徐幼文韻

題詩為我謝湯休
莫作人間遠客愁
為報歸期須記取
松陵江上鱸秋

金徵士潤玉留宿江館阻雨

落花風急野無舟
喜為茅齋笑日留
却愧江邊春酒薄
不能慰子客中愁

題張來儀畫

滿壑春陰滿澗苔
茶烟起處薜帷開
山童頻報敲門客
總為催詩索画來

贈醫師徐身甫

錄得龍君舊獻方
杏花春雨閉山房
病家幾度來相覓
林下遙聞藥木香

贈真師

花下携琴見此僧
自言開法在金陵
十年江海遊應遍
老去空山對一燈

次王耕雲與愚庵宿和韻

灌花移石不辭勤
管潤流泉雨後新
一塢綠楊雞犬靜
老來欲作太平人
欲望城西禮白雲
數峯蒼翠晚磷磷
誰知解后東歸客
亦是香山社裏人

過保暉寺贈隆衲

湯公寺子陸公隣
杞菊畦荒夜雨頻
莫訝相過偏不厭
白頭禪客是詩人

送僧震赴京省師

孤雲飛傍五雲遙
京國尋師去興饒
明日春寒江上路
雪花應雜雨花飄

四絕

高山深谷樂悠哉
何事猶思太子來
擬向秋風歌一曲
紫芝黃鶴認

堪哀

二齋

懶誦周南淑女詩
龍韜對閱晚粧遲
孫郎料得非孫子
不肯臨戎戮二姬

管仲姬畫竹

晨看粧鏡有青鸞
寫得當時舞影看
零落彩雲何處夢
鷗波亭上正春寒

張雲門寫竹

臨池書罷換駝群
餘墨猶堪貌此君
一段湘娥廟前意
淋漓秋雨共秋雲

倪元鎮墨竹

倪君好畫復耽詩
瘦骨秋來似竹枝
前夜夢回如得見
紙窗斜影月

低時

寄沈侯乞貓

許贈狸奴白雪毛
花陰穩卧日初高
將軍內閣元無用
自有床頭却鼠刀

畫犬

瘦兒初長尾茸茸
行響金鈴細草中
莫向孫階吠人影
羊車半夜出深宮

畫馬

草映驂奴紺綠衣
官家好馬說新肥
解鞍閑立斜陽裏
應是城南賭射歸

桂花芭蕉二仕女

桂花庭院月初斜
按罷霓裳酒半醺
折得一枝携滿袖
羅衣今夜不

須薰

秋窗睡起試生羅
閑向芭蕉石畔過
恹底早涼欺匣扇
夜來葉上雨聲多

背面美人

鞦韆庭院閉青春
背立誰曾見得真
莫道不言思憶事
欲言還說與何人

春睡理髮美人二圖

粧殘嬌睡帶餘醒
鸚鵡當牕不敢驚
誰信上陽宮內女
一春愁絕夢難成

桐風曉動內園枝
吹亂花前髮
篸綠午後理梳羞
未出怕人猜是倦粧時

巨然小景

隔溪山閣映秋開坐久鐘聲度水來
遙指石橋村樹杪一僧歸處是
中台

荊翁雙竹

不學簪篸滿谷栽兩竿斜拂楚煙開
老仙應解吹橫玉喚得双飛碧
鳳來

松雪畫馬

校尉當年執策迎千金遠聘貳師城
一歸天廐嘆空老及仗元來用
不鳴

瀑布

千山雲頂一泉飛仰面時驚雨濕衣
彷彿香爐峰下看滿蹊紅紫訪
僧歸

仙山樓觀圖

霧閣霄閣脉望飛月明露重濕絳衣
仙人莫入芙蓉艸阮迷花久
不歸

秋娘紅拂二首妓

不見秋娘今幾年楚雲湘雨思悠然
月明樓外天如水猶憶梁州第
二篇

花枝不鎖後堂春夜半長安張却負
棄去矣从從此客可憐小妓亦
知人

荔枝練帶

雨後巖枝錦果肥華清貢罷驛塵稀
小禽自繞枝頭啄疑是宮中舊
雪衣

棘竹三禽

棘枝踈瘦竹枝低三鳥寒多每並棲
月落山窻秋夢斷不知若箇最

先啼

和遜卷尋舊偶不值

揚州夢斷十三年底事猶存未了緣不見畫眉簾下立斷腸騎馬過
門前
曾看梳粧倚玉臺後堂春曉翠屏開重尋未省雙鬢去只道羞郎懶
出來

十宮詞

芙蓉水殿雉廊東白苧秋來不耐風教得君王長夜醉月明歌舞在
舟中

吳

兩去雲來十二峰渚宮樓閣暮重、細腰無限空相妬不覺珠姬燮
裏連

楚

官閉曉山靜管絃翠華巡行去經年掖庭無用思難報願上蓬萊珠

藥船

秦

酒醒金屋曙河流願賜銅盤一滴秋地日君王作仙去瑤池猶幸得

同遊

漢

翡翠明珠入貢頻承恩長占艸堂春至尊莫信陳王賦那得人間有

洛神

魏

盡日南風永卷開羊車去後玉階宮誰知天上無塵地亦有城南小

史采

晉

帖地黃金襯襪羅苑中市罷心笙歌有人解誦西京賦添得樓臺火

後多

齊

春風三闋結參差仰客爭陳壁月詞幾度醉濃嬌不起景陽樓上曉

鐘時

陳

五斛青螺一日銷迷機深貯萬秋鏡眾中誰解留車駕風浪如小莫

NATIONAL CENTRAL LIBRARY, TAIWAN, R.O.C.

渡遠

隋

玉笛聲殘禁漏長，雲屏日帳醉焚香。五王宴罷皆歸院，大拔空閑一

夜涼

唐

詠火二十二首

一表身著久經年，冰米分炊幾戶煙。盡說大夫能養士，却於尼叟惜

封田

晏嬰

徒誇關戰衛華軒，渭水何能洗衆冤。想到出亡無舍日，應思不用趙

良言

商鞅

二子全操七國權，朝談從命暮衡連。天如早為生民計，各與城南二

頃田

儀秦

危計難成五步間，置君虎口棄金還。世人莫笑三閭懦，不勸懷王會

武關

陶相如

朝歌長夜歸，姪春總為妖姬戮。謀臣何事那，鄭貴公子能因變者殺。

佳人

趙勝

弱不傾奪苦多謀，得勢還懷失勢憂。丞相不須嘆蔡澤，此時常問共

穰侯

范雎

不識魏王自有真，尊前不決謾誇神。當時誰道簡多智，不及王家先

婦人

范棼

不握兵權只運籌，苦辭萬戶乞封留。縱令不早尋仙去，天子終無賜

醢謀

張子房

凶吉何由賜馬知，才高暫謫未須悲。秋風不洒梁園淚，宣室寧無再

見時

賈誼

迭奏文章瓦殿虛，茂陵還復訪遺書。所求猶把春秋傳，誰問江郊老

仲舒

董仲舒

國家圖書館 NATIONAL CENTRAL LIBRARY, TAIWAN, R.O.C

依時將軍本自賢
灞陵醉尉竟難全
不聞當日王孫貴
重到淮陰實少年

功名何必任才謀
遇合逢時便可收
高寢卸官頭已白
一言悟主即封侯

田千秋

外家勢重直言稀
京兆嘗陳禍機
合浦老妻須莫怨
縱勝卧病死牛衣

王章

執戟三日夫從臣
從來無意據通津
如何脫此玄經筆
却為新耕著別秦

楊雄

浪泊歸時憶少游
炎蒸終夜困壺頭
漢廷豈少英年將
衰老南征苦自求

馬援

洛下人家懶去干
閉門僵卧雪漫漫
五朝不附黨天勢
應為平生所得寒

袁安

晚惜神州勢已難
空期魏武濟春桓
猶緣死沮奸雄悉
竊恐遷延到五官

荀彧

莫謂流星墮渭濱
出師未捷已沾巾
天應留取生司馬
歸伴他年取魏人

諸葛孔明

長史難忘昔受遺
塞門投戈苦憂時
孝廉猶有當年意
不遣真從介子推

張昭

軍門被謁異隆中
抱策歸秦竟事戎
猶喜遺言真有識
不教飲馬向江東

王猛

談笑新亭對不移
坐籌強虜在枰碁
平生事業從容得
莫道無心後折遲

謝安

自古南荒竄逐過
佞臣元少直臣多
官來灑火休相請
天要潮人識孟軻

韓子

NATIONAL CENTRAL LIBRARY, TAIWAN R.O.C.